

欽定遼史

卷一之十二



臻

粦

百

十

卅

參

上海民國第
一圖書局印

進遼史表

開府儀同三司上柱國錄軍國重事中書右丞相監修國史領經筵事臣脫脫言竊惟天文莫驗於璣衡
人文莫證於簡策人主監天象之休咎則必察乎璣衡之精監人事之得失則必考乎簡策之信是以二
者所掌俱有太史之稱然天道幽而難知人情顯而易見動靜者吉凶之兆敬怠者興亡之機史臣雖述
前代之設施大意有助人君之鑑戒遼自唐季基于朔方造邦本席於干戈致治能資於黼黻敬天尊祖
而出入必祭親仁善鄰而和戰以宜南府治民北府治兵春狩省耕秋狩省斂吏課每嚴於芻牧歲饑屢
賜乎田租至若觀市赦罪則昭合六典之規臨軒策士則恪遵三歲之制享國二百一十九載政刑日舉
品式備具蓋有足尚者焉迨天子孫失御上下離心驕盈盛而釁隙生讒賊興而根本感變強爲弱易於
反掌吁可畏哉天祚自絕大石苟延國旣邱墟史亦蕪菲耶律儼語多避忌陳大任辭乏精詳五代史繫
之終篇宋舊史均諸載記予奪各徇其主傳聞況失其真我世祖皇帝一視同仁深加愍惻嘗勅詞臣撰
次三史首及於遼六十餘年歲月因循造物有待臣脫脫誠惶誠恐頓首頓首欽惟皇帝陛下如堯稽古
而簡寬容衆若舜好問而濬哲冠倫講經兼誦乎祖謨訪治旁求乎往牒茲修史事斷自宸衷睿旨下而
徵聘行朝士賀而遺逸起於是命臣脫脫以中書右丞相領都總裁中書平章政事臣鐵睦爾達世中書

右丞今平章政事臣賀惟一御史中丞今翰林學士承旨臣張起巖翰林學士臣歐陽玄侍御史今集賢侍講學士兼國子祭酒臣呂思誠翰林侍講學士臣揭傒斯奉命爲總裁官中書選選儒臣宗文太監今兵部尚書臣廉惠山海牙翰林直學士臣王沂祕書著作佐郎臣徐曷國史院編修官臣陳繹曾分撰遼史起至正三年四月迄四年三月發故府之積藏集遐方之輒獻蒐羅剔抉刪潤研削紀志表傳勒成一代之書藏否是非不迷于載之實臣脫脫叨承隆寄幸覩成功載宣日月之光華願效涓埃之補報我朝之論議歸正氣之直則辭之昌遼國之君臣有知善者喜而惡者懼所撰本紀三十卷志三十一卷表八卷列傳四十六卷各著論贊具有體裁隨表以聞上塵天覽下情無任慚懼戰汗屏營之至臣脫脫誠惶誠懼頓首頓首謹言

原

任

詹

事臣陳浩

侍

講

學

士臣周長發

洗

馬臣陸宗楷

編

修臣孫人龍

主

事臣王文清

知

州臣王祖庚


拔

貢

生臣郭世燦

等奉

勅恭校刊



遼史目錄

元 中 書 右 丞 相 總 裁 脫 脫 等 修

本紀三十卷

志三十一卷

表八卷

列傳四十六卷 凡一百一十六卷

本紀

遼史卷一

本紀第一

太祖上

遼史卷二

本紀第二

太祖下

乾隆四年校刊 遼史目錄

遼史卷三

本紀第三

太宗上

遼史卷四

本紀第四

太宗下

遼史卷五

本紀第五

世宗

遼史卷六

本紀第六

穆宗上

遼史卷七

本紀第七

穆宗下

遼史卷八

本紀第八

景宗上

遼史卷九

本紀第九

景宗下

遼史卷十

本紀第十

聖宗一

遼史卷十一

本紀第十一

聖宗二

遼史卷十二

本紀第十二

聖宗三

遼史卷十三

本紀第十三

聖宗四

遼史卷十四

本紀第十四

聖宗五

遼史卷十五

本紀第十五

聖宗六

遼史卷十六

本紀第十六

聖宗七

遼史卷十七

本紀第十七

聖宗八

遼史卷十八

本紀第十八

興宗一

遼史卷十九

本紀第十九

興宗二

遼史卷二十

乾隆四年校刊

遼史目錄

本紀第二十

興宗三

遼史卷二十一

本紀第二十一

道宗一

遼史卷二十二

本紀第二十二

道宗二

遼史卷二十三

本紀第二十三

道宗三

遼史卷二十四

本紀第二十四

道宗四

遼史卷二十五

本紀第二十五

道宗五

遼史卷二十六

本紀第二十六

道宗六

遼史卷二十七

本紀第二十七

天祚一

遼史卷二十八

本紀第二十八

天祚二

乾隆四年校刊

遼史目錄

遼史卷二十九

本紀第二十九

天祚三

遼史卷三十

本紀第三十

天祚四

志

遼史卷三十一

志第一

營衛上

宮衛

遼史卷三十二

志第二

營衛中

捺鉢

部族上

遼史卷三十三

志第三

營衛下

部族下

遼史卷三十四

志第四

兵衛上

兵制

遼史卷三十五

志第五

兵衛中

御帳親軍

宮衛騎軍

大首領軍

衆部族軍

遼史卷三十六

志第六

兵衛下

五京都鄉丁

屬國軍

邊境戍兵

遼史卷三十七

志第七

地理一

上京道

邊防城

遼史卷三十八

志第八

地理二

東京道

遼史卷三十九

志第九

地理三

中京道

遼史卷四十

志第十

地理四

南京道

遼史卷四十一

志第十一

地理五

西京道

遼史卷四十二

乾隆四年校刊

遼史目錄

六

志第十二

麻象上

大明麻元

遼史卷四十三

志第十三

麻象中

閏考

朔考上

遼史卷四十四

志第十四

麻象下

朔考下

象

刻漏

官星

遼史卷四十五

志第十五

百官一

北面上

遼史卷四十六

志第十六

百官二

北面下

遼史卷四十七

志第十七上

百官三

南面上

遼史卷四十八

志第十七下

百官四

南面下

遼史卷四十九

志第十八

禮一

吉儀

遼史卷五十

志第十九

禮二

凶儀

遼史卷五十一

志第二十

禮三

軍儀

禮四

賓儀

遼史卷五十二

志第二十一

禮五

嘉儀上

遼史卷五十三

志第二十二

禮六

嘉儀下

遼史卷五十四

志第二十三

樂

乾隆四年校刊

遼史目錄

國樂

雅樂

大樂

散樂

鼓吹樂

橫吹樂

遼史卷五十五

志第二十四

儀衛一

國輿

漢輿

遼史卷五十六

志第二十五

儀衛二

國服

漢服

遼史卷五十七

志第二十六

儀衛三

符印

遼史卷五十八

志第二十七

儀衛四

國仗

渤海仗

漢仗

鹵簿儀仗總目

遼史卷五十九

志第二十八

食貨上

遼史卷六十

志第二十九

食貨下

遼史卷六十一

志第三十

刑法上

史卷六十二

志第三十一

刑法下

表

遼史卷六十三

表第一

世表

遼史卷六十四

表第二

皇子表

遼史卷六十五

表第三

公主表

遼史卷六十六

表第四

皇族表

遼史卷六十七

表第五

外戚表

遼史卷六十八

表第六

遊幸表

遼史卷六十九

表第七

部族表

乾隆四年校刊

遼史目錄

遼史卷七十

表第八

屬國表

列傳

遼史卷七十一

列傳第一

后妃

蕭祖昭烈皇后蕭氏

懿祖莊敬皇后蕭氏

玄祖簡獻皇后蕭氏

德祖宣簡皇后蕭氏

太祖瀋欽皇后述律氏

太祖靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

列傳第二

宗室

義宗

倍

子平王隆先

晉王道隱

章肅皇帝

李朝

子宋王喜隱

順宗

器

晉王敖盧幹

遼史卷七十三

列傳第三

耶律曷魯

蕭敵魯

阿古只

耶律斜捏赤

老古頗德

耶律欲穩

耶律海里

遼史卷七十四

列傳第四

耶律敵刺

蕭痕篤

康默記

延壽

韓延徽

德樞

紹勳

紹芳

資讓

韓知古

匡嗣

德源

德凝

遼史卷七十五

列傳第五

乾隆四年校刊

遼史目錄

十一

耶律靚烈 羽之

耶律鐸臻 古突呂不

王郁

耶律圖魯

遼史卷七十六

列傳第六

耶律解里

耶律拔里得

耶律朔古

耶律魯不古

趙延壽

高模翰

趙思温

耶律溫里思

張礪

遼史卷七十七

列傳第七

耶律屋質

耶律吼 何魯不

耶律安搏

耶律注

耶律頰昱

耶律撻烈

遼史卷七十八

列傳第八

耶律夷曠葛

蕭海瓌

蕭護思

蕭思温

蕭繼先

遼史卷七十九

列傳第九

室昉

耶律賢適

女里

郭襲

耶律阿沒里

遼史卷八十

列傳第十

張儉

邢抱朴

馬德臣

蕭朴

耶律八哥

遼史卷八十一

列傳第十一

耶律室魯

歐里斯

王繼忠

蕭孝忠

陳昭袞

蕭合卓

遼史卷八十二

列傳第十二

耶律隆運

德威

燕魯

制心

耶律勃古哲

蕭陽阿

武白

蕭常哥

耶律虎古

磨魯古

遼史卷八十三

乾隆四年校刊

遼史目錄

列傳第十三

耶律休哥 馬哥

耶律斜軫

耶律奚低

耶律學古 烏不呂

遼史卷八十四

列傳第十四

耶律沙

耶律抹只

蕭幹 討古

耶律善補

耶律海里

遼史卷八十五

列傳第十五

蕭撻讓

蕭觀音奴

耶律題子

耶律諧理

耶律奴瓜

蕭柳

高勳

奚和朔奴

蕭塔烈葛

耶律撒合

遼史卷八十六

列傳第十六

耶律合住

劉景

劉六符

耶律裏履

牛溫舒

杜防

蕭和尚 特末

耶律合理只

耶律頗的

遼史卷八十七

列傳第十七

蕭孝穆 撒八 孝友

孝先

蕭蒲奴

耶律蒲古

夏行美

遼史卷八十八

列傳第十八

蕭敵烈 拔剌

耶律益奴

蕭排押 恆德匹敵

耶律資忠

耶律瑤賢

耶律弘古

高王

耶律的琫

大康父

遼史卷八十九

列傳第十九

耶律庶成 庶箴 蒲魯

楊哲

耶律韓留

楊佖

耶律和尙

遼史卷九十

列傳第二十

蕭阿剌

耶律義先 弟信先

蕭陶隗

蕭塔刺葛

耶律敵祿

遼史卷九十一

列傳第二十一

耶律韓八

耶律唐古

蕭朮哲 姪藥師奴

耶律玘

耶律僕里篤

遼史卷九十二

列傳第二十二

蕭奪剌

蕭普達

耶律侯晒

耶律古昱

耶律獨攔

蕭韓家

蕭烏野

遼史卷九十三

列傳第二十三

蕭惠

蕭律魯 釋盧幹

蕭圖玉

耶律鐸軫

遼史卷九十四

列傳第二十四

耶律化哥

耶律幹臘

耶律速撒

蕭阿魯帶

耶律那也

耶律阿魯掃古

耶律世良

遼史卷九十五

列傳第二十五

耶律弘古

耶律馬六

蕭滴冽

耶律適祿

耶律陳家奴

耶律特麼

耶律仙童

蕭素颯

耶律大悲奴

遼史卷九十六

列傳第二十六

耶律仁先

撻不也

耶律良

蕭韓家奴

蕭德

蕭惟信

蕭樂音奴

耶律敵烈

姚景行

耶律阿思

遼史卷九十七

列傳第二十七

耶律斡特刺

孩里

寶景庸

耶律引吉

楊續

趙徽

王觀

耶律喜孫

遼史卷九十八

列傳第二十八

蕭兀納

耶律儼

劉伸

耶律胡呂

遼史卷九十九

列傳第二十九

蕭巖壽

耶律撒刺

蕭速撒

耶律撻不也

蕭撻不也

蕭忽古

耶律石柳

遼史卷一百

列傳第三十

耶律棠古

蕭得里底

蕭酬幹

耶律章奴

耶律朮者

遼史卷一百一

列傳第三十一

蕭陶蘇幹

耶律阿息保

蕭乙薛

蕭胡篤

遼史卷一百二

列傳第三十二

蕭奉先

李處溫

張琳

耶律余覲

遼史卷一百三

列傳第三十三

文學上

蕭韓家奴

遼史卷一百四

列傳第三十四

文學下

王鼎

耶律昭

劉輝

耶律孟簡

耶律谷欲

遼史卷一百五

列傳第三十五

能吏

太公鼎

蕭文

馬人望

耶律鐸魯斡

楊遵勗

王棠

遼史卷一百六

列傳第三十六

卓行

蕭扎刺

耶律官奴

蕭蒲离不

遼史卷一百七

列傳第三十七

列女

邢簡妻

耶律氏常哥

耶律奴妻

耶律朮者妻

耶律中妻

遼史卷一百八

列傳第三十八

方技

直魯古

王白

魏璘

耶律敵魯

耶律乙不哥

遼史卷一百九

列傳第三十九

伶官

羅衣輕

宦官

王繼恩

趙安仁

遼史卷一百一十

列傳第四十

姦臣上

耶律乙辛

張孝傑

耶律燕哥

蕭十三

遼史卷一百一十一

乾隆四年校刊

遼史目錄

列傳第四十一

姦臣下

蕭余里也

耶律合魯

蕭得裏特

蕭訛都幹

蕭達魯古

耶律塔不也

蕭圖古辭

遼史卷一百一十二

列傳第四十二

逆臣上

轄底 迭里特

察割

重元 涅魯古

滑哥

遼史卷一百一十三

列傳第四十三

逆臣中

蕭翰

耶律牒蠟

耶律朗

耶律劉哥 益都

耶律海思

耶律敵獵

蕭革

遼史卷一百一十四

列傳第四十四

逆臣下

蕭胡觀

蕭迭里得

古迭

耶律撒刺竹

奚回離保

蕭特烈

遼史卷一百一十五

列傳第四十五

外紀

高麗

西夏

遼史卷一百一十六

國語解第四十六

國語解

遼史目錄

元中書右丞相總裁脫脫等修

本紀第一

太祖上

太祖大聖大明神烈天皇帝姓耶律氏諱億字阿保機小字噶里只契丹迭剌部霞瀨益石烈鄉耶律彌里人德祖皇帝長子母曰宣簡皇后蕭氏唐咸通十三年生初母夢日墮懷中有娠及生室有神光異香體如三歲兒卽能匍匐祖母簡獻皇后異之鞠爲己子常匿於別幕塗其面不令他人見三月能行晬而能言知未然事自謂左右若有神人翼衛雖齟齬言必及世務時伯父當國疑輒咨焉旣長身長九尺豐上銳下目光射人關弓三百斤爲撻馬弒沙里時小黃室韋不附太祖以計降之伐越兀及烏古六奚比沙弒諸部克之國人號阿主沙里唐天復元年歲辛酉痕德堇可汗立以太祖爲本部奚離堇專征討連破室韋于厥及奚帥轄刺哥俘獲甚衆冬十月授大迭烈府奚離堇明年秋七月以兵四十萬伐河東河北攻下九郡獲生口九萬五千馳馬牛羊不可勝紀九月城龍化州于潢河之南始建開教寺明年春伐女直下之獲其戶三百九月復攻下河東懷遠等軍冬十月引軍略至薊北俘獲以還先是德祖俘奚七

千戶徙饒樂之清河至是創爲奚迭刺部分十三縣遂拜太祖于越總知軍國事明年歲甲子三月廣龍化州之東城九月討黑車子室韋唐盧龍軍節度使劉仁恭發兵數萬遣養子趙霸來拒霸至武州太祖諜知之伏勁兵桃山下遣室韋人牟里詐稱其酋長所遣約霸兵會平原既至四面伏發擒霸殲其衆乘勝大破室韋明年七月復討黑車子室韋唐河東節度使李克用遣通事康令德乞盟冬十月太祖以騎兵七萬會克用于雲州宴酣克用借兵以報劉仁恭木瓜澗之役太祖許之易袍馬約爲兄弟及進兵擊仁恭拔數州盡徙其民以歸明年二月復擊劉仁恭還襲山北奚破之汴州朱全忠遣人俘海奉書幣衣帶珍玩來聘十一月遣偏師討奚誓諸部及東北女直之未附者悉破降之十二月遣德董可汗殂羣臣奉遺命請立太祖曷魯等勸進太祖三讓從之

元年春正月庚寅命有司設壇于如迂王集會燬燔柴告天卽皇帝位尊母蕭氏爲皇太后立皇后蕭氏北宰相蕭轄刺南宰相耶律歐里思率羣臣上尊號曰天皇帝后曰地皇后庚子詔皇族承遙斃氏九帳爲第十帳二月戊午以從弟迭栗底爲迭烈府夷離董是月征黑車子室韋降其八部夏四月丁未朔唐梁王朱全忠廢其主尊弒之自立爲帝國號梁遣使來告劉仁恭子守光囚其父自稱幽州盧龍軍節度使秋七月乙酉其兄平州刺史守奇率其衆數千人來降命置之平盧城冬十月乙巳討黑車子室韋破

之

二年春正月癸酉朔御正殿受百官及諸國使朝辛巳始置惕隱典族屬以皇弟撒刺爲之河東李克用子存勗襲遣使弔慰夏五月癸酉詔撒刺討烏丸黑車子室韋秋八月壬子幽州進合歡瓜冬十月己亥朔建明王樓築長城於鎮東海口遣輕兵取吐渾叛入室韋者

三年春正月幸遼東二月丁酉朔梁遣郎公遠來聘三月滄州節度使劉守文爲弟守光所攻遣人來乞兵討之命皇弟會利素夷离堇蕭敵魯以兵會守文於北海口進至橫海軍近淀一鼓破之守光潰去因名北海口爲會盟口夏四月乙卯詔左僕射韓知古建碑龍化州大廣寺以紀功德五月甲申置羊城于炭山之北以通市易冬十月己巳遣鷹軍討黑車子室韋破之西北嗚娘改部族進輓車人

四年秋七月戊子朔以后兄蕭敵魯爲北府宰相后族爲相自此始冬十月烏馬山奚庫支及查刺底鋤勃德等叛討平之

五年春正月丙戌朔日有食之丙申上親征西部奚奚阻險叛服常不數招諭弗聽是役所向輒下遂分兵討東部奚亦平之於是盡有奚霫之地東際海南暨白檀西踰松漠北抵潢水凡五部咸入版籍三月次灤河刻石紀功復略地薊州夏四月壬申遣人使梁五月皇弟刺葛迭刺寅底石安端謀反安端妻粘

睦姑知之以告得實上不忍加誅乃與諸弟登山刑牲告天地爲誓而赦其罪出刺葛爲迭刺部夷窩董封粘睦姑爲晉國夫人秋七月壬午朔斜離底洎諸蕃使來貢八月甲子劉守光僭號幽州稱燕冬十月戊午置鐵冶十一月壬午遣人使梁

六年春正月以化葛爲惕隱二年戊午親征劉守光三月至自幽州夏四月梁郢王友珪弑父自立秋七月丙午親征朮不姑降之俘獲以數萬計命弟刺葛分兵攻平州八月壬辰上次恩德山皇子李胡生冬十月戊寅刺葛破平州還復與迭刺寅底石安端等反甲申遣人使梁致祭壬辰還次北阿魯山聞諸弟以兵阻道引軍南趨十七灤是日燔柴翼日次七渡河諸弟各遣人謝罪上猶矜憐許以自新是歲以兵討兩冶以所獲僧崇文等五十人歸西樓建天雄寺以居之以示天助雄武

七年春正月甲辰朔以用兵免朝晉王李存勗拔幽州擒劉守光甲寅王師次赤水城弗刺葛等乞降上素服乘赭白馬以將軍耶律樂姑轄刺僅阿鉢爲御解兵器肅侍衛以受之因加慰諭刺葛等引退上復數遣使撫慰二月甲戌朔梁均王友貞討殺其兄友珪嗣立三月癸丑次蘆水弟迭刺哥圖爲奚王與安端擁千餘騎而至給稱入覲上怒曰爾曹始謀逆亂朕特恕之使改過自新尙爾反覆將不利於朕遂拘之以所部分隸諸軍而刺葛引其衆至乙室董泥具天子旗鼓將自立皇太后陰遣人諭令避去會弭姑

乃懷里陽言車駕且至其衆驚潰掠居民北走上以兵追之刺葛遣其黨寅底石引兵徑趨行宮焚其輜重廬帳縱兵大殺皇后急遣蜀古魯救之僅得天子旗鼓而已其黨神速姑復劫西樓焚明王樓上至土河秣馬休兵若不爲意諸將請急追之上曰俟其遠遁人各懷土懷土旣切其心必離我軍乘之破之必矣盡以先所獲資畜分賜將士留夷離畢直里姑總政務夏四月戊寅北追刺葛己卯次彌里問諸弟面木葉山射鬼箭厭禳乃執叛人解里向彼亦以其法厭之至達里淀選輕騎追及培只河盡獲其黨輜重生口先遣室韋及吐渾酋長拔刺迪里姑等五人分兵伏其前路命北宰相迪里古爲先鋒進擊之刺葛率兵逆擊迪里古以輕兵薄之其弟遏古只臨陣射數十人斃衆莫敢前相拒至晡衆乃潰追至柴河遂自焚其車乘廬帳而去前遇拔刺迪里姑等伏發合擊遂大敗之刺葛奔潰遺其所奪神帳於路上見而拜奠之所獲生口盡縱歸本土其黨庫古只磨朶皆面縛請罪師次札堵河大雨暴漲五月癸丑遣北宰相迪鞏率驍騎先渡甲寅奏擒刺葛涅里袞阿鉢於榆河前北宰相蕭寶魯寅底石自刳不殊遂以黑白羊祭天地壬戌刺葛涅里袞阿鉢詣行在以橐索自縛牽羊望拜上還至大嶺時大軍久出輜重不相屬士卒煮馬駒採野菜以爲食孳畜道斃者十七八物價十倍器服資貨委棄於楚里河狼籍數百里因更刺葛名暴里丙寅至庫里以青牛白馬祭天地以生口六百馬二千三百分賜大小鵠軍六月辛巳至榆

嶺以轄賴縣人掃古非法殘民磔之甲申上登都庵山撫其先奇首可汗遺跡徘徊顧瞻而興歎焉聞獄
官涅离擅造大校人不堪其苦有至死者命誅之壬辰次狼河獲逆黨雅里彌里生薶之銅河南軌下放
所俘還多爲于骨里所掠上怒引輕騎馳擊復遣驍將分道追襲盡獲其衆并掠者庚子次阿敦灤以養
子涅里思附諸弟叛以鬼箭射殺之其餘黨六千各以輕重論刑于厥掠生口者三十餘人亦俾贖其罪
放歸本部至石嶺西詔收回軍乏見所棄兵仗召北府兵驗而還之以夷离董涅里袞附諸弟爲叛不忍
顯戮命自投崖而死秋八月己卯幸龍眉宮轍逆黨二十九人以其妻女賜有功將校所掠珍寶孳畜還
主亡其本物者命責償其家不能償者賜以其部曲九月壬戌上發自西樓冬十月庚午駐赤崖戊寅和
州回鶻來貢癸未乙室府人迪里古迷骨离部人特里以從逆誅詔羣臣分決滯訟以韓知古錄其事只
里姑掌捕亡十一月祠木葉山還次昭烏山省風俗見高年議朝政定吉凶儀十二月戊子燔柴于蓮花

灤

八年春正月甲辰以曷魯爲迭刺部夷离董忽烈爲惕隱于骨里部人特离敏執逆黨怖胡亞里只等十
七人來獻上親鞫之辭多連宗室及有脅從者乃杖殺首惡怖胡餘並原釋于越率懶之子化哥屢蒼森
謀上每優容之而反覆不悛召父老羣臣正其罪并其子戮之分其財以給衛士有司所鞫逆黨三百餘

人獄既具上以人命至重死不復生賜宴一日隨其平生之好使爲之酒酣或歌或舞或戲射角觥各極其意明日乃以輕重論刑首惡刺葛其次迭刺哥上猶弟之不忍寘法杖而釋之以寘底石安端性本庸弱爲刺葛所使皆釋其罪前于越赫底里子解里刺葛妻轉刺已寘預逆謀命皆絞殺之寘底石妻涅窩脅從安端妻粘睦姑嘗有忠告並免因謂左右曰諸弟性雖敏黠而蓄姦稔惡嘗自矜有出人之智安忍兇狠谿壑可塞而貪黷無厭求人之失雖小而可恕謂重如泰山身行不義雖入大惡謂輕於鴻毛昵比羣小謀及婦人同惡相濟以危國祚雖欲不敗其可得乎北宰相實魯妻餘盧覩姑於國至親一旦負朕從于叛逆未寘之法而病死此天誅也解里自幼與朕嘗同寢食眷遇之厚冠於宗屬亦與其父背大恩而從不軌茲可恕乎秋七月丙申朔有司上諸帳族與謀逆者三百餘人罪狀皆棄市上歎曰致人于死豈朕所欲若止負朕躬尙可容貸此曹恣行不道殘害忠良塗炭生民剽掠財產民間昔有萬馬今皆徒步有國以來所未嘗有實不得已而誅之冬十月甲子朔建開皇殿於明王樓基

九年春正月烏古部叛討平之夏六月幽州軍校齊行本舉其族及其部曲男女三千人請降詔授檢校尙書左僕射賜名兀欲給其廩食數日亡去幽帥周德威納之及詔索之德威語不遜乃譴南征冬十月戊申釣魚于鴨淥江新羅遣使貢方物高麗遣使進寶劍吳越王錢鏐遣滕彥休來貢是歲君基太一神

數見詔圖其像

神冊元年春二月丙戌朔上在龍化州送烈部夷离董耶律葛魯等率百僚請上尊號三表乃允丙申羣臣及諸屬國築壇州東上尊號曰大聖大明天皇帝后曰應天大明地皇后大赦建元神冊初闕地爲壇得金鈴因名其地曰金鈴岡壇側滿林曰冊聖林三月丙辰以送烈部夷离董曷魯爲阿盧朶里于越百僚進秩頒賚有差賜酺三日立子倍爲皇太子夏四月乙酉朔晉幽州節度使盧國用來降以爲幽州兵馬留後甲辰梁遣郎公遠來賀六月庚寅吳越王遣滕彥休來貢秋七月壬申親征突厥吐渾党項小蕃沙陀諸部皆平之俘其酋長及其戶萬五千六百鎧甲兵仗器服九十餘萬寶貨馳馬牛羊不可勝算八月拔朔州擒節度使李嗣本勒石紀功於奇塚南冬十月癸未朔乘勝而東十一月攻蔚新武媯儒五州斬首萬四千七百餘級自代北至河曲踰陰山盡有其地遂改武州爲歸化州媯州爲可汗州置西南面招討司選有功者領之其圍蔚州敵樓無故自壞衆軍大譟乘之不踰時而破時梁及吳越二使皆在焉詔引環城觀之因賜滕彥休名曰述呂十二月收山北八軍

二年春二月晉新州裨將盧文進殺節度使李存矩來降進攻其城刺史安金全遁以文進部將劉殷爲刺史三月辛亥攻幽州節度使周德威以幽并鎮定魏五州兵拒于居庸關之西合戰於新州東大破之

斬首三萬餘級殺李嗣本之子武八以后弟阿骨只爲統軍實魯爲先鋒東出關略燕趙不遇敵而還己未于骨里叛命室魯以兵討之夏四月壬午圍幽州不克六月乙巳望城中有氣如烟火狀上曰未可攻也以大暑霖潦班師留曷魯盧國用守之刺葛與其子寶保里叛入幽州秋八月李存勗遣李嗣源等救幽州曷魯等以兵少而還

三年春正月丙申以皇弟安端爲大內惕隱命攻雲州及西南諸部二月達旦國來聘癸亥城皇都以禮部尙書康默記充版築使梁遣使來聘晉吳越渤海高麗回鶻阻卜党項及幽鎮定魏潞等州各遣使來貢夏四月乙巳皇弟迭烈哥謀叛事覺知有罪當誅預爲營壘而諸戚請免上素惡其弟寅底石妻涅里衰乃曰涅里衰能代其死則從涅里衰自縊壘中并以奴女古叛人曷魯只生瘞其中遂赦迭烈哥五月乙亥詔建孔子廟佛寺道觀秋七月乙酉于越曷魯薨上震悼久之輟朝三日贈賻有加冬十二月庚子朔幸遼陽故城辛丑北府宰相蕭敵魯薨戊午以于越曷魯弟汗里軫爲迭烈部夷离董蕭阿古只爲北府宰相甲子皇孫隈欲生

遼史卷一考證

太祖紀上太祖字阿保機德祖皇帝長子○臣長發按北庭雜記太祖父諱韓里遼史不載

三年二月丁酉朔梁遣郎公遠來聘○臣長發按資治通鑑梁開平元年五月契丹遣其臣袍笏梅老來

通好帝遣太府少卿高頌報之二年五月契丹遣使隨高頌入貢且求册命帝復遣司農卿渾特賜以

手書是契丹聘梁二年中連有二使遼史不書此特書梁遣郎公遠來聘是梁之專使非報使也修史

者各自尊其本國故凡書聘之例皆如此

七年春正月晉王李存勗拔幽州擒劉守光○臣人龍按五代新史唐莊宗本紀十年十月王如幽州劉

守光背約不降攻破之十一年殺燕王劉守光於太原考天祐十年即遼太祖之七年也晉王拔幽州

事在七年十月殺守光在次年之春正月此書擒守光于七年之春正月與五代史不附

神册元年春二月大赦建元○臣浩按舊史不記保機建元事自耶律德光方記天顯之名疑當時未得

其傳故也

八月拔朔州擒節度使李嗣本○臣長發按資治通鑑契丹主阿保機自麟勝攻晉蔚州陷之虜振武節

度使李嗣本注麟勝至蔚州中間懸隔雲朔蔚州恐當作朔州據此則遼史書朔州可正通鑑之誤

元 中 書 右 丞 相 總 裁 脫 脫 等 修

本紀第二

太祖下

四年春正月丙申射虎東山二月丙寅修遼陽故城以漢民渤海戶實之改爲東平郡置防禦使夏五月庚辰至自東平郡秋八月丁酉謁孔子廟命皇后皇太子分謁寺觀九月征烏古部道聞皇太后不豫一日馳六百里還侍太后病間復還軍中冬十月丙午次烏古部天大風雪兵不能進上禱于天俄頃而霽命皇太子將先鋒軍進擊破之俘獲生口萬四千二百牛馬車乘廬帳器物二十餘萬自是舉部來附五年春正月乙丑始製契丹大字夏五月丙寅吳越王復遣滕彥休貢犀角珊瑚授官以遣庚辰有龍見于拽刺山陽水上上射獲之藏其骨內府閏六月丁卯以皇弟蘇爲惕隱康默記爲夷離畢秋八月己未朔党項諸部叛辛未上親征九月己丑朔梁遣郎公遠來聘壬寅大字成詔頒行之皇太子率迪剌部夷窩董汗里軫等略地雲內天德冬十月辛未攻天德癸酉節度使宋瑤降賜弓矢鞍馬旗鼓更其軍曰應天甲戌班師宋瑤復叛丙子拔其城擒宋瑤俘其家屬徙其民於陰山南十二月己未師還

六月春正月丙午以皇弟蘇爲南府宰相迭里爲惕隱南府宰相自諸弟構亂府之名族多罹其禍故其位久虛以鋤得部轄得里只里古攝之府中數請擇任宗室上以舊制不可輒變請不已乃告于宗廟而後授之宗室爲南府宰相自此始夏五月丙戌朔詔定法律正班爵丙申詔畫前代直臣像爲招諫圖及詔長吏四孟月詢民利病六月乙卯朔日有食之冬十月癸丑朔晉新州防禦使王郁以所部山北兵馬內附丙子上率大軍入居庸關十一月癸卯下古北口丁未分兵略檀順安遠三河良鄉望都潞滿城遂城等十餘城俘其民徙內地十二月癸丑王郁率其衆來朝上呼郁爲子賞賚甚厚而徙其衆于潢水之南庚申皇太子率王郁略地定州康默記攻長蘆晉義武軍節度使王處直養子都囚其父自稱留後癸亥圍涿州有白兔緣壘而上是日破其郛癸酉刺史李嗣弼以城降乙亥存勗至定州王都迎謁馬前存勗引兵趨望都遇我軍禿餒五千騎圍之存勗力戰數四不解李嗣昭領二百騎來救我軍少却存勗乃得出大戰我軍不利引歸存勗至幽州遣二百騎躡我軍後我軍反擊悉擒之己卯還次檀州幽人來襲擊走之擒其裨將詔徙檀順民于東平瀋州

天贊元年春二月庚申復狗幽薊地癸酉詔改元赦軍前殊死以下夏四月甲寅攻薊州戊午拔之擒刺

史胡瓊以盧國用涅魯古典軍民事壬戌大饗軍士癸亥李存勗圍鎮州張文禮求援命郎君迭烈將軍

康承恒往擊敗之殺其將李嗣昭辛未攻石城縣拔之五月丁未張文禮卒其子處瑄遣人奉表來謝六月遣鷹軍擊西南諸部以所獲賜貧民冬十月甲子以蕭霞的爲北府宰相分迭刺部爲二院斜涅赤爲北院夷离董縮思爲南院夷离董詔分北大濩兀爲二部立兩節度使以統之十一月壬寅命皇子堯骨爲天下兵馬大元帥略地薊北

二年春正月丙申大元帥堯骨克平州獲刺史趙思溫裨將張崇二月如平州甲子以平州爲盧龍軍置節度使三月戊寅軍于箭箭山討叛奚胡損獲之射以鬼箭誅其黨三百人沉之狗河置奚墮瑰部以勃魯恩權總其事夏四月己酉梁遣使來聘吳越王遣使來貢癸丑命堯骨攻幽州迭刺部夷离董觀烈狗山西地庚申堯骨軍幽州東節度使符存審遣人出戰敗之擒其將裴信父子閏月庚辰堯骨抵鎮州壬午拔曲陽丙戌下北平是月晉王李存勗卽皇帝位國號唐五月戊午堯骨師還癸亥大饗軍士賞賚有差六月辛丑波斯國來貢秋七月前北府宰相蕭阿古只及王郁狗地燕趙冬十月辛未朔日有食之己卯唐兵滅梁

三年春正月遣兵略地燕南夏五月丙午以楊隱迭里爲南院夷离董是月徙薊州民實遼州地渤海殺其刺史張秀實而掠其民六月乙酉召皇后皇太子大元帥及二宰相諸部頭等詔曰上天降監惠及羣

民聖主明王萬載一遇朕既上承天命下統羣生每有征行皆奉天意是以機謀在己取舍如神國令既
行人情大附外訛歸正遐邇無愆可謂大含溟海安納泰山矣自我國之經營爲羣方之父母憲章斯在
膺嗣何憂升降有期去來在我良籌聖會自有契於天人衆國羣王豈可化其凡骨三年之後歲在丙戌
時值初秋必有歸處然未終兩事豈負親誠日月非遙戒嚴是速聞詔者皆驚懼莫識其意是日大舉征
吐渾党項阻卜等部詔皇太子監國大元帥堯骨從行秋七月辛亥曷刺等擊素昆那山東部族破之八
月乙酉至烏孤山以鵝祭天甲午次古單于國登阿里典歷得斯山以廐鹿祭九月丙申朔次古回鶻城
勒石紀功庚子拜日于蹕林丙午遣騎攻阻卜南府宰相蘇南院夷离董迭里略地西南乙卯蘇等獻俘
丁巳鑿金河水取烏山石輦致潢河水葉山以示山川朝海宗嶽之意癸亥大食國來貢甲子詔聘闕遏
可汗故碑以契丹突厥漢字紀其功是月破胡毋思山諸蕃部次業得思山以赤牛青馬祭天地回鶻霸
里遣使來貢冬十月丙寅朔獵萬樂山獲野獸數千以充軍食丁卯軍于霸離思山遣兵踰流沙拔浮圖
城盡取西鄙諸部十一月乙未朔獲甘州回鶻都督畢離遏因遣使諭其主烏毋主可汗射虎于烏刺邪
里山抵霸室山六百餘里且行且獵日有鮮食軍士皆給

四年春正月壬寅以捷報皇后皇太子二月丙寅大元帥堯骨略党項丁卯皇后遺康未怛闕起居進御

服酒膳乙亥蕭阿古只略燕趙還進牙旗兵仗辛卯堯骨獻項俘三月丙申鑿軍于水精山夏四月甲子南攻小蕃下之皇后皇太子迎謁於札里河癸酉回鶻烏毋主可汗遣使貢謝五月甲寅清暑室韋北歷秋九月癸巳至自西征冬十月丁卯唐以滅梁來告卽遣使報聘庚辰日本國來貢辛巳高麗國來貢十一月丁酉幸安國寺飯僧赦京師囚縱五坊鷹鷂己酉新羅國來貢十二月乙亥詔曰所謂兩事一事已畢惟渤海世讎未雪豈宜安駐乃舉兵親征渤海大誣譏皇后皇太子大元帥堯骨皆從閏月壬辰祠木禁山壬寅以青牛白馬祭天地于烏山己酉次撒葛山射鬼箭丁巳次商嶺夜圍扶餘府

天顯元年春正月己未白氣貫日庚申拔扶餘城誅其守將丙寅命惕隱安端前北府宰相蕭阿古只等將萬騎爲先鋒遇誣譏老相兵破之皇太子大元帥堯骨南府宰相蘇北院夷窩董斜涅赤南院夷窩董迭里是夜圍忽汗城己巳誣譏請降庚午駐軍于忽汗城南辛未誣譏素服橐索牽羊率僚屬三百餘人出降上優禮而釋之甲戌詔諭渤海郡縣丙子遣近侍康末坦等十三人入城索兵器爲邏卒所害丁丑誣譏復叛攻其城破之駕幸城中誣譏請罪馬前詔以兵衛誣譏及族屬以出祭告天地復還軍中二月庚寅安邊鄭頡南海定理等府洎諸道節度刺使來朝慰勞遣之以所獲器幣諸物賜將士壬辰以青牛白馬祭天地大赦改元天顯以平渤海遣使報唐甲午復幸忽汗城闕府庫物賜從臣有差以奚部長勃

魯恩王郁自回鶻新羅吐蕃党項室韋沙陀烏古等從征有功優加賞賚丙午改渤海國爲東丹忽汗城
爲天福冊皇太子倍爲人皇王以主之以皇弟迭刺爲左大相渤海老相爲右大相渤海司徒大素賢爲
左次相耶律羽之爲右次相赦其國內殊死以下丁未高麗滅貊鐵驪靺鞨來貢三月戊午遣夷裔董康
默記左僕射韓延徽攻長嶺府甲子祭天丁卯幸人皇王宮己巳安邊鄭頴定理三府叛遣安端討之丁
丑三府平壬午安端獻俘誅安邊府叛帥二人癸未宴東丹國僚佐頒賜有差甲申幸天福城乙酉班師
以大譚讓舉族行夏四月丁亥朔次織子山辛卯人皇王率東丹國僚屬辭是月唐養子李嗣源反郭存
謙弑其主存勗嗣源遂卽位五月辛酉南海定理二府復叛大元帥堯骨討之六月丁酉二府平丙午次
慎州唐遣姚坤以國哀來告秋七月丙辰鐵州刺史衛鈞反乙丑堯骨攻拔鐵州庚午東丹國左大相迭
刺卒辛未衛送大譚讓于皇都西築城以居之賜譚讓名曰烏魯古妻曰阿里只盧龍行軍司馬張崇叛
奔唐甲戌次扶餘府上不豫是夕大星隕于幄前辛巳平旦子城上見黃龍繚繞可長一里光耀奪目入
于行宮有紫黑氣蔽天踰日乃散是日上崩年五十五天贊三年上所謂丙戌秋初必有歸處至是乃驗
壬午皇后稱制權決軍國事八月辛卯康默記等攻下長嶺府甲午皇后奉梓宮西遷壬寅堯骨討平諸
州奔赴行在乙巳人皇王倍繼至九月壬戌南府宰相蘇冕丁卯梓宮至皇都薩曠子城西乙巳上

遼昇天皇帝廟號太祖冬十月盧龍軍節度使盧國用叛奔于唐十一月丙寅殺南院夷离堇耶律迭里
耶君耶律匹魯等二年八月丁酉葬太祖皇帝于祖陵置州天城軍節度使以奉陵寢統和二十六年
七月進諡大聖大明天皇帝重熙二十一年九月加諡大聖大明神烈天皇帝太祖所崩行宮在扶餘城
西南兩河之間後建昇天殿于此而以扶餘爲黃龍府云

贊曰遼之先出自炎帝世爲審吉國其可知者蓋自奇首云奇首生都菴山徙潢河之濱傳至雅里始立
制度置官屬刻木爲契穴地爲牢讓阻午而不肯自立雅里生毗牒毗牒生頰頰領生耨里思大度真
欲令不嚴而人化是爲肅祖肅祖生薩剌德嘗與黃室韋挑戰矢貫數札是爲懿祖懿祖生勻德寶始教
民稼穡善畜牧國以殷富是爲玄祖玄祖生撒剌的仁民愛物始置鐵冶教民鼓鑄是爲德祖卽太祖之
父也世爲契丹遙輦氏之夷离堇執其政柄德祖之弟述瀾北征于厥室韋南略易定奚寶始興板築置
城邑教民種桑麻習織組已有廣土衆民之志而太祖受可汗之禪遂建國東征西討如折枯拉朽東自
海西至于流沙北絕大漠信威萬里歷年二百豈一日之故哉周公誅管蔡人未有能非之者刺萬安端
之亂太祖旣貸其死而復用之非人君之度乎舊史扶餘之變亦異矣夫

通史卷二

太祖紀下神冊六年晉新州防禦使王郁以所部兵馬內附○臣長發按五代新史亦云郁新州防禦使

惟資治通鑑則云郁新州團練使

天贊三年春正月遣兵略地燕南夏五月渤海殺其刺史張秀實而掠其民○臣長發按通鑑所書是年

契丹寇晉無虛月兵征渤海亦有月分可考乃遼史僅于正月書略地燕南于五月書渤海殺刺史掠民以是知修史者遺漏之多也

遼史卷一考證

元 中 書 右 丞 相 總 裁 脫 脫 等 修

本紀第三

太宗上

太宗孝武惠文皇帝諱德光字德謹小字鶻骨太祖第二子母淳欽皇后蕭氏唐天復二年生神光異常獵者獲白鹿白鷹人以爲瑞及長貌嚴重而性寬仁軍國之務多所取決天贊元年授天下兵馬大元帥尋詔統大軍南徇地明年下平州獲趙思溫張崇回破箭箭山胡遜奚諸部悉降復以兵掠鎮定所至皆堅壁不敢戰師次幽州符存審拒于州南縱兵邀擊大破之擒裨將裴信等數十人及從太祖破于厥里諸部定河壩党項下山西諸鎮取回鶻單于城東平渤海破達盧古部東西萬里所向皆有功天顯元年七月太祖崩皇后攝軍國事明年秋治祖陵畢冬十一月壬戌人皇王倍率羣臣請于后曰皇子大元帥勳望中外攸屬宜承大統后從之是日卽皇帝位癸亥謁太祖廟丙寅行柴冊禮戊辰還都壬申御宣政殿羣臣上尊號曰嗣聖皇帝大赦有司請改元不許十二月庚辰尊皇太后爲太皇太后皇后爲應天皇太后立妃蕭氏爲皇后禮畢闋近侍班局辛巳諸道將帥辭歸鎮己丑祀天地庚寅遣使諭諸國辛卯闋

靈牧于近郊戊戌女直遣使來貢壬寅謁太祖廟甲辰闕旗鼓客省諸局官屬丁未詔選遙輦氏九帳子弟可任官者

三年春正月己酉闕北尅兵籍庚戌闕南尅兵籍丁巳闕皮室拽刺墨离三軍己未黃龍府羅涅河女直達盧古來貢庚午以王郁爲興國軍節度使守中書令二月辛長灤己亥惕隱涅里衰進白狼辛丑達盧古來貢三月乙卯東蒐癸亥獵殺纏山乙丑獵松山唐義武軍節度使王郁遣人以定州來歸唐主出師討之使來乞援命奚禿里鐵刺往救之四月戊寅東巡己卯祭應鹿神丁亥於獵所縱公私取羽毛草木之材甲午取箭材赤山丙申獵三山鐵刺敗唐將王宴球于定州唐兵大集鐵刺請益師辛丑命惕隱涅里衰都統查刺赴之五月丙午建天膳堂獵索刺山戊申至自獵丁卯命林牙突呂不討烏古部己巳女直來貢六月己卯行瑟瑟禮秋七月丁未突呂不獻討烏古捷壬子王都奏唐兵破定州鐵刺死之涅里衰查刺等數十人被執上以出師非時甚悔之厚賜戰歿將校之家庚午有事于太祖廟八月丙子突厥來貢庚辰詔建應天皇太后誕聖碑于儀坤州九月己卯突呂不遣人獻討烏古俘癸未詔分賜羣臣己丑幸人皇王倍第庚寅遣人使唐辛卯再幸人皇王第癸巳有司請以上生日爲天授節皇太后生日爲承寧節冬十月癸卯朔以承寧節上率羣臣上壽於延和宮己酉謁太祖廟唐遣使遺玉笛甲子天授節

上御五營屢受羣臣及諸國使賀十一月丙子鼻骨德來貢辛丑自將伐唐十二月癸卯祭天地庚戌闕唐主復遣使來聘上問左右皆曰唐數遣使來實畏威也未可輕舉觀釁而動可也上然之甲寅次杏塢唐使至遂班師時人皇王在皇都詔遣耶律羽之遷東丹民以實東平其民或亡入新羅女直因詔困乏不能遷者許上國富給贖而隸屬之升東平郡爲南京

四年春正月壬申朔宴羣臣及諸國使觀俳優角觝戲己卯如瓜塢二月庚戌闕遙輦氏戶籍三月甲午望祀羣神夏四月辛亥至自瓜塢壬子謁太祖廟癸丑謁太祖行宮甲寅幸天城軍謁祖陵辛酉人皇王偕來朝癸亥錄囚五月癸酉謁二祖殿宴羣臣女直來貢戊子射柳于太祖行宮癸巳行瑟瑟禮六月丙午突呂不獻烏古俘戊申分賜將士己酉西巡己未選輕騎數千獵近山癸亥駐蹕涼陁秋七月庚辰觀市曲赦繫囚甲午祠太祖而東八月辛丑至涼陁謁太祖廟癸卯自幸人皇王第己酉謁太祖廟九月庚午如南京戊寅祠木葉山己卯行再生禮癸巳至南京冬十月壬寅幸人皇王第宴羣臣甲辰幸諸營闕軍籍庚戌以雲中郡縣未下大闕六軍甲子詔皇弟李胡帥師趣雲中討郡縣之未附者十一月丙寅朔以出師告天地丁卯餞皇弟李胡于西郊壬申命大內惕隱告出師于太祖行宮甲申觀漁三叉口十二月戊申女直來貢戊午至自南京

五年春正月庚午皇弟李胡拔寶州捷至甲午朝皇太后二月己亥詔修南京癸卯李胡還自雲中朝于行在丙午以先所俘渤海戶賜李胡丙辰上與人皇王朝皇太后太后以皆工書命書于前以觀之辛酉召羣臣議軍國事三月丙寅朝皇太后丁卯皇弟李胡請赦宗室舍利郎君以罪繫獄者詔從之己巳幸皇叔安端第辛未人皇王獻白紗乙亥册皇弟李胡爲壽昌皇太子兼天下兵馬大元帥壬午以龍化州節度使劉居言同中書門下平章事乙酉宴人皇王僚屬便殿庚寅駕發南京夏四月乙未詔人皇王先赴祖陵謁太祖廟丙辰會祖陵人皇王歸國五月戊辰詔修褒澤離宮乙酉謁太祖廟己亥射柳于行在乙卯如浚柳胡丁巳拜太祖御容于明殿己未敵烈德來貢秋九月壬申烏古來貢戊子薦時果于太祖廟八月丁酉以大聖皇帝皇后寢寢之所號日月宮因建日月碑丙午如九層臺九月己卯詔舍利普寧撫慰人皇王庚辰詔置人皇王儀衛丁亥至自九層臺謁及祖廟冬十月戊戌遣使賜人皇王胙癸卯建太祖聖功碑于如延正集會場甲辰人皇王進玉笛十一月戊寅東丹奏人皇王浮海適唐六年春正月甲子西南邊將以慕化轄曼斯國人來乙丑敵烈德來貢丁卯如南京三月辛未召大臣議軍國事丁亥人皇王偕妃蕭氏率其國僚屬來見夏四月己酉唐遣使來聘是月置中臺省于南京五月乙丑祠木葉山乙亥至自南京壬午謁太祖陵閏月庚寅射柳于近郊六月壬申如涼陘壬午烏古來貢

秋七月丁亥女直來貢己酉命將校以兵南略壬子薦時果于太祖廟東幸八月庚申皇子述律生告太祖廟辛巳鼻骨德來貢九月甲午詔修京城冬十月丁丑鐵驪來貢十一月乙酉唐遣使來聘十二月甲寅朔祭太祖廟丙辰遣人以詔賜唐盧龍軍節度使趙德鈞

七年春正月壬辰征西將軍課里遣拽刺鐸括奏軍事己亥唐遣使來聘癸卯遣人使唐戊申祠木葉山二月壬申拽刺迪里使吳越還吳越王遣使從獻寶器復遣使持幣往報之三月己丑林牙迪離畢指斥乘輿囚之丁未遣使諸國戊申上率羣臣朝于皇太后夏四月甲戌唐遣使來聘致人皇王倍書己卯女直來貢五月壬午朔幸祖州謁太祖陵六月戊辰御製太祖建國碑戊寅烏古敵烈德來貢庚辰觀角觝戲秋七月辛巳朔賜中外官吏物有差癸未賜高年布帛丙戌召羣臣耆老議政壬辰唐遣使遣紅牙笙癸巳使復至懼報定州之役也壬寅唐盧龍軍節度使趙德鈞遣人進時果丁未薦新于太祖廟八月壬戌捕鵝于沿柳湖風雨暴至舟覆溺死者六十餘人命存恤其家識以爲戒戊辰林牙迪離畢逸囚復獲而鞫之知其事本誣構釋之九月庚子阻卜來貢冬十月乙卯唐遣使來聘己巳遣使雲中十一月丁亥遣使存問獲里國丁未阻卜貢海東青鶻三十連十二月辛亥以叛人泥離裘家口分賜羣臣丁巳西狩

駐蹕平地松林

乾隆四年校刊

遼史卷二本紀

三

八年春正月戊子女直來貢庚子命皇太弟李胡左威衛上將軍撒割率兵伐党項癸卯上親餞之二月辛亥吐谷渾阻卜來貢乙卯尅寶魯使唐還以附獻物分賜羣臣三月辛卯皇太弟討党項勝還宴勞之丙申唐遣使請罷征党項兵上以戰捷及党項已聽命報之夏四月戊午党項來貢五月己丑獵獨牛山惕隱迪鞏所乘內廐騮馬斃因賜名其山曰騮山戊戌如涇柳湖六月甲寅阻卜來貢甲子回鶻阿薩蘭來貢秋七月戊寅行納后禮癸未皇子提離古生丁亥鐵驪女直阻卜來貢冬十月乙巳阻卜來貢丙午至自涇柳湖辛亥唐遣使來聘己未遣拔刺使唐辛未烏古吐魯沒來貢十一月辛丑太皇太后崩遣使告哀于唐及人皇王倍是月唐主嗣源殂子從厚立十二月丁卯党項來貢

九年春正月癸酉漁于土河丙申党項貢駝鹿己亥南京進白麋閏月戊午唐遣使告哀即日遣弟弔祭壬戌東幸女直來貢二月壬申祠木葉山戊寅葬太皇太后于德陵前二日發喪于葭塗殿上具衰服以送後追諡宣簡皇后詔建碑于陵三月癸卯女直來貢夏四月唐李從珂弒其主自立人皇王倍自唐上書請討五月甲辰如涇柳湖癸丑女直來貢大星晝隕六月己巳朔鼻骨德來貢辛未唐李從厚謝弔祭所遣使初至闕秋八月壬午自將南伐乙酉拽刺解里手接飛鴈上異之因以祭天地九月庚子西南星隕如雨乙卯次雲州丁巳拔河陰冬十月丁亥略地靈丘父老進牛酒犒師十一月辛丑圍武州之陽城

壬寅陽城降癸卯注只城降括所俘丁壯籍于軍十二月壬辰皇子阿鉢撒葛里生皇后不豫是月駐蹕百湖之西南

十年春正月戊申皇后崩于行在二月戊寅百僚請加追諡不許辛巳宰相涅里褒謀南奔事覺執之三月戊午党項來貢夏四月吐谷渾會長退欲德率衆內附丙戌皇太后父族及母前夫之族二帳並爲國舅以蕭緬思爲尙父領之己丑錄囚五月甲午朔始製服行后喪丙午葬于奉陵上自製文諡曰彰德皇后癸丑以舍利王庭鸚爲龍化州節度使六月乙丑吐渾來貢辛未辛品不里淀秋七月乙卯獵南赤山冬十一月丙午幸弘福寺爲皇后飯僧見觀音畫像乃大聖皇帝應天后及人皇王所施顧左右曰昔與父母兄弟聚觀于此歲時未幾今我獨來悲歎不已乃自製文題于壁以極追感之意讀者感之十二月庚辰如金瓶灤遣拽刺化哥窟魯里阿魯掃姑等捉生敵境

十一年春正月釣魚于土河庚申如潢河三月庚寅朔女直來貢夏四月庚申謁祖陵戊辰還都謁太祖廟辛未燕民之復業者陳汴州事宜癸酉女直諸部來貢癸未賜回鶻使衣有差五月戊戌清暑浚柳湖六月戊午朔鼻骨德來貢乙酉吐谷渾來貢秋七月辛卯烏古來貢壬辰蒲割顛公主率三河烏古來朝丙申唐河東節度使石敬瑭爲其主所討遣趙瑩因西南路招討盧不姑求救上白太后曰李從珂弑君

自立神人共怒宜行天討時趙德鈞亦遣使至河東復遣桑維翰來告急遂許興師八月己未遣蕭轄里報河東師期丙寅吐谷渾來貢庚午自將以援敬瑭九月癸巳有飛鷲自墜而死南府夷裔曩曷魯恩得之以獻卜之吉上曰此從珂自滅之兆也丁酉入鴈門戊戌次忻州祀天地己亥次太原庚子遣使諭敬瑭曰朕興師遠來當卽與卿破賊會唐將高行周符彥卿以兵來拒遂勒兵陳于太原及戰佯爲之却唐將張敬達楊光遠又陳于西未成列以兵薄之而行周彥卿爲伏兵所斷首尾不相救敬達光遠大敗棄仗如山斬首數萬級敬達走保晉安寨夷裔曩曷魯與戰死之敬瑭率官屬來見上執手撫慰之癸卯圍晉安甲辰以的魯子徒離骨嗣爲夷裔曩曷魯仍以父字爲名以旌其忠南宰相鶻離底奚監軍寅你己將軍陪阿臨陳退懦上召切責之冬十月甲子封敬瑭爲晉王幸其府敬瑭與妻李率其親屬捧觴上壽初圍晉安分遣精兵守其要害以絕援兵之路而李從珂遣趙延壽以兵二萬屯團柏谷范延廣以兵二萬屯遼州幽州趙德鈞以所部兵萬餘由上黨趨延壽軍合勢進擊知此有備皆逗遛不進從珂遂將精騎三萬出次河橋親督諸軍然知其不救但日酣飲悲歌而已丁卯召敬瑭至行在所賜坐上從容語之曰吾三千里舉兵而來一戰而勝殆天意也觀汝雄偉弘大宜受茲南土世爲我藩輔遂命有司設壇晉陽備禮册命十一月丁酉册敬瑭爲大晉皇帝自戊戌至戊申候騎兩奏南有兵至復於西有兵至命楊隱迪

筆注拒之敬達在圍八十餘日內外隔絕軍儲殆盡至濯馬糞屑木以飼馬馬飢至自相啖其鬣尾死則以充食光遠等勸敬達出降敬達曰吾有死而已爾欲降盍斬吾首以降閏月甲子楊光遠安審琦殺敬達以降上聞敬達至死不變謂左右曰凡爲人臣當如此也命以禮葬所降軍士及馬五千匹以賜晉帝丙寅祀天地以告成功庚午僕射蕭酷古只奏趙德鈞等諸援兵將遁詔夜發兵追擊德鈞等軍皆投戈棄甲自相蹂踐擠于川谷者不可勝紀仍命皇太子馳輕騎據險要追及步兵萬餘悉降之辛未兵度圍柏谷以酒肴祀天地俄追及德鈞父子乃率衆降次潞州召諸將議皆請班師從之命南宰相解領鶻離底奚監軍寅你己將軍陪阿先還壬申惕隱洼林牙迪離畢來獻俘晉帝辭歸上與宴飲酒酣執手約爲父子以白貂裘一廐馬二十戰馬于二百錢之命迪離畢將五千騎送入洛臨別謂之曰朕留此候亂定乃還耳辛巳晉帝至河陽李從珂窮感召人皇王偕同死不從遣人殺之乃舉族自焚詔收其士卒戰歿者瘞之汾水上以爲京觀晉命桑維翰爲文紀上功德十二月乙酉朔遣近侍撻魯存問晉帝丙戌以晉安所獲分賜將校戊子遣使馳奏皇太后及報諸道師還庚寅發太原辛卯聞晉帝入洛遣郎君解里德撫問壬辰次細河闔降將趙德鈞父子兵馬戊戌次鴈門以沙太保所部兵分隸諸將庚戌幸應州癸丑唐大同彰國振武三節度使迎見留不遣

十二年春正月丙辰次堆子口唐大同軍節度判官吳巒閉城拒命遣崔廷勳圍其城庚申上親征至城下諭之巒降辛酉射鬼箭于雲州北壬戌祀天地癸亥遣國舅安端發奚西部民各還本土丙寅皇太后遣侍衛寶魯趣行是夕率輕騎先進丁丑皇子述律迎謁于灤河告功太祖行宮戊寅朝于皇太后進珍玩爲壽二月丁亥以軍前所獲俘叛入幽州者皆斬之壬寅詔諸部休養士卒癸卯晉遣唐所掠郎君刺哥文班吏蕭斛里還朝三月庚申晉遣使來貢丁卯晉天雄軍節度使范延廣潛遣人請內附不納己巳遣郎君的烈古梅里迭烈使晉壬午晉使及諸國使來見夏四月甲申地震幸平地松林觀潢水源五月甲寅幸頻蹕淀壬申震開皇殿六月甲申晉遣戶部尙書聶延祚等請上尊號及歸鴈門以北與幽薊之地仍歲貢帛三十萬疋詔不許庚戌侍中列率言范延廣叛晉引兵南向秋七月辛亥朔詔諸部治兵甲癸丑幸懷州謁奉陵甲子晉遣使來告范延廣反庚午遣耶律曷古皇使晉議軍事八月癸未晉遣使復請上尊號不許庚寅晉及太原劉知遠南唐李昇各遣使來貢庚子晉遣使以都汴及范延廣降來告九月壬子鼻骨德來貢庚申遣直里古使晉及南唐癸亥尤不姑女直來貢辛未遣使高麗鐵驢癸酉回鶻來貢冬十月庚辰朔皇太后永寧節晉及回鶻燉煌諸國皆遣使來賀壬午詔回鶻使胡离只阿刺保問其風俗丁亥諸國使還就遣蒲里骨皮室胡末里使其國十一月己未遣使求醫于晉丁卯鐵驢來貢十

二月甲申東幸桐木葉山癸丑醫來

乾隆四年校刊

遼史卷三本紀

六

太宗紀上天顯元年人皇王倍率羣臣請于后曰皇子大元帥勳望中外攸屬宜承大統后從之○臣浩

按資治通鑑契丹述律后愛中子德光欲立之命與突欲俱乘馬立帳前謂諸臣曰二子吾皆愛之莫

知所立汝曹擇可立者執其轡諸臣知其意爭執德光轡遂立之據此則太宗之立由于后意乃遼史

云人皇王倍率羣臣請于后而立之恐非事實

三年王都遣人以定州來歸唐主出師討之使來乞援命奚禿里鐵刺往救之鐵刺敗唐將王晏球于定

州王都奏唐兵破定州鐵刺死之○臣宗楷按鐵刺資治通鑑作禿餒死在四年而遼史併書于三年

定州之戰下

九月庚寅遣人使唐○臣長發按資治通鑑閏六月契丹遣梅老季素等入貢遼史則遣人在于九月夫

六月正在戰爭未必即為通使當以九月為是

十一年唐河東節度使石敬瑭遣趙瑩求救上白太后河東復遣桑維翰來告急遂許興師○臣浩按資

治通鑑石敬瑭遣間使求救于契丹令桑維翰草表據此則桑維翰草表求救于契丹未嘗親往告急

晉高祖本紀及桑維翰傳並無石敬瑭遣維翰如契丹告急事

冬十月甲子封敬塘爲晉王十一月丁酉册敬塘爲大晉皇帝○臣浩按資治通鑑及五代新史皆無先

封晉王事

十二年九月遣直里古使晉及南唐○臣長發按通鑑綱目五月吳與契丹通使修好契丹主亦遣使報

之卽是役也蓋遼使至江南知誥已僭位故不書吳而直書南唐耳

元中書右丞相總裁脫脫等修

本紀第四

太宗下

會同元年春正月戊申朔晉及諸國遣使來賀晉使且言已命和凝撰聖德神功碑戊辰遣人使晉二月壬午室韋進白鷹戊子鐵驪來貢丁酉獵松山戊戌幸遼河東丙申上思人皇王遣惕隱率宗室以下祭其行宮丁未詔增晉使所經供億戶三月壬戌將東幸三剋言農務方興請減輜重促還期從之丙寅女直來貢癸酉東幸夏四月戊寅朔如南京甲申女直來貢乙酉幸溫泉己丑還宮朝于皇太后丁酉女直貢弓矢己亥西南邊大詳穩耶律魯不古奏党項捷五月甲寅晉復遣使請上尊號從之六月丙子朔吐谷渾及女直來貢辛卯南唐來貢癸巳詔建日月四時堂圖寫古帝王事于兩廡秋七月癸亥遣使起晉馬丁卯遣鶻窩底使晉梅里了古使南唐戊辰遣中臺省右相耶律述蘭迭烈哥使晉臨海軍節度使趙思溫副之册晉帝為英武明義皇帝八月戊子女直來貢庚子吐谷渾烏孫靺鞨皆來貢九月庚戌黑車子室韋貢名馬邊臣奏晉遣守司空馮道左散騎常侍韋勳來上皇太后尊號左僕射劉煦右諫議大夫

盧重上皇帝尊號遂遣監軍寅你已充接伴壬子詔羣臣及高年凡授大臣爵秩皆賜錦袍金帶白馬金飾鞍勒著于令冬十月甲戌朔遣郎君迪里姑等撫問晉使壬寅晉遣使來謝冊禮是日復有使進獨峯駝及名馬十一月甲辰朔命南北宰相及夷裔羣就館賜晉使馮道以下宴丙午上御開皇殿召見晉使壬子皇太后御開皇殿馮道韋勳冊上尊號曰廣德至仁昭烈崇簡應天皇太后甲子行再生柴冊禮丙寅皇帝御宣政殿劉煦盧重冊上尊號曰睿文神武法天啟運明德章信至道廣敬昭孝嗣聖皇帝大赦改元會同是月晉復遣趙瑩奉表來賀以幽薊瀛莫涿檀順媯儒新武雲應朔實蔚十六州并國籍來獻於是詔以皇都爲上京府曰臨潢升幽州爲南京南京爲東京改新州爲奉聖州武州爲歸化州升北南二院及乙室裔夷羣爲王以主簿爲令令爲刺史刺史爲節度使二部梯里己爲司徒達刺于爲副使麻都不爲縣令縣達刺于爲馬步置宣徽閤門使控鶴客省御史大夫中丞侍御判官文班牙署諸宮院世燭馬羣遙輦世燭南北府國舅帳郎君官爲敝史諸部宰相節度使帳爲司空二室韋闡林爲僕射鷹坊監治等局官長爲詳繇十二月戊戌遣同括阿鉢等使晉制加晉馮道守太傅劉煦守太保餘官各有差二年春正月乙巳以受晉冊遣使報南唐高麗丁未御開皇殿宴晉使馮道以下賜物有差戊申晉遣金吾衛大將軍馬從斌考功郎中劉知新來貢珍幣命分賜羣臣丙辰晉遣使謝免沿邊四州錢幣二月戊

寅宴諸王及節度使來賀受冊禮者仍命皇太子惕隱迪輦餞之癸巳謁太祖廟賜在京吏民物及內外羣臣官賞有差丁酉加兼侍中左金吾衛上將軍王郅檢校太尉三月畋于裏澤之側戊申女直來貢丁巳封皇子述律爲壽安王羣撤葛爲太平王己巳大賚百姓夏四月乙亥幸木葉山癸巳東京路奏狼食人五月乙巳禁南京鬻牝羊出境思奴古多里等坐盜官物籍其家南唐遣使來攻丁未以所貢物賜羣臣戊申回鶻單于使人乞授官詔第加刺史縣令六月丁丑雨雪是夏駐蹕頻蹕淀秋七月戊申晉遣使進犀帶庚戌吐谷渾來貢乙卯敝史阿鉢坐奉使失職命笞之閏月癸未乙室大王坐賦調不均以木劍背撻而釋之并罷南北府民上供及宰相節度諸賦役非舊制者乙酉遣的烈賜晉烏古良馬己丑以南王府二刺史貪竄各杖一百仍繫虜候帳備射鬼箭選羣臣爲民所愛者代之八月乙丑晉遣使貢歲幣奏輸戊亥二歲金幣于燕京九月甲戌阻卜阿窩底來貢己卯遣使使晉冬十月丁未上以烏古部水草肥美詔北南院徙三石烈戶居之十一月丁亥鐵驪燉煌並遣使來貢十二月庚子釣魚于土河甲子回鶻使者儻人有以刃相擊者詔付其使處之

三年春正月戊子吳越王遣使來貢庚寅人皇王妃來朝回鶻使乞觀諸國使朝見禮從之壬辰遣陪謁阿鉢使晉致生辰禮晉以并鎮忻代之吐谷渾來歸二月己亥奚王勞骨盞率六節度使朝貢庚子烏古

遣使獻伏鹿國俘賜其部夷萬旗鼓以旌其功壬寅女直來貢辛亥墨離鶻末里使回鶻阿薩蘭還賜對衣勞之乙卯鴨綠江女直遣使來覲三月戊辰遣使使晉報幸南京己巳如南京辛未命惕隱耶律涅离骨德率萬騎先驅壬申次石嶺以奚王勞骨監監軍寅你巳朝謁不時切責之丙子魯不姑上党項俘獲數癸未獵水門獲白鹿庚寅詔扈從擾民者從軍律甲午幸薊州乙未晉及南唐各遣使來覲夏四月庚子至燕備法駕入自拱辰門御元和殿行入閣禮壬寅遣人使晉乙巳幸留守趙延壽別墅丙午晉遣宣徽使楊端王眺等來問起居壬子御便殿宴晉及諸國使丙辰晉遣使進茶藥壬戌御昭慶殿宴南京羣臣癸亥晉遣使賀端午以所進節物賜羣臣乙丑南唐進白龜五月庚午以端午宴羣臣及諸國使命回鶻燉煌二使作本俗舞俾諸使觀之庚辰晉遣使進弓矢甲申遣皇子天德及檢校司徒邸用和使晉戊子闕騎兵于南郊六月乙未朔東京宰相耶律羽之言渤海相大素賢不法詔僚佐部民舉有才德者代之丙申闕步卒于南郊庚子晉及韓刺骨只遣使來見壬寅駕發燕京中書令蕭僧隱部諸道軍于長坐營癸丑次奉聖州甲寅勞軍士秋七月己巳獵猾底烈山癸酉朝于皇太后丙子從皇太后視人皇王妃疾戊寅人皇王妃蕭氏薨己卯以安重榮據鎮州叛晉詔征南將軍柳嚴邊備丙戌徙人皇王行宮于其妃薨所辛卯晉遣使請行南郊禮許之八月己亥詔東丹吏民爲其王倍妃蕭氏服庚子疽下來貢

壬寅遣使南唐乙巳阻卜黑車子室韋賀烈等國來貢南唐遣使求青鸞賜之戊申以安端私城爲白
川州辛亥鼻骨德使乞賜爵以其國相授之甲寅阻卜來貢乙卯置白川州官屬丙辰詔以于諧里河臚
胸河之近地給賜南院歐董突呂乙斯勃北院溫納何刺三石烈人爲農田九月庚午侍中崔窮古言晉
主聞陛下數游獵意請節之上曰朕之收獵非徒從樂所以練習武事也乃詔諭之壬午邊將奏破吐谷
渾擒其長詔止誅其首惡及其丁壯餘並釋之丙戌晉遣使貢名馬戊子女直及吳越王遣使來貢冬十
月辛丑遣剋朗使吳越略姑使南唐庚申晉遣使貢布及請親祠南嶽從之十一月己巳南唐遣使奉蠟
丸書言晉密事丁丑詔有司教民播種紡績除姊亡妹續之法十二月壬辰朔率百僚謁太祖行宮甲午
燔柴禮畢祠于神帳丙申遣使使晉丙辰詔契丹人授漢官者從漢儀聽與漢人婚姻丁巳詔燕京皇城
西南堞建涼殿是冬駐蹕于傘淀

四年春正月壬戌以乙室品卑突軌三部鰥寡不能自存者官爲之配丙子南唐遣使來貢庚辰涅刺烏
院部獻党項俘獲數己丑詔定征党項功二月丙申皇太子獲白麀甲辰晉遣使進香藥丙子鐵驪來貢
丁巳詔有司編始祖奇首可汗事迹己未晉遣楊彥詢來貢且言鎮州安重榮跋扈狀遂留不遣是月晉
鎮州安重榮執遼使者找刺三月特授回鶻使闕里于越并賜旌旗弓劍衣馬餘賜有差癸酉晉以許祀

南郊遣使來謝進黃金十鎰夏四月己卯晉遣使進櫻桃五月庚辰吐谷渾夷离董蘇等叛入晉遣牒蠟往諭晉及太原守臣六月辛卯振武軍節度副使趙崇逐其節度使耶律晝里以朔州叛附晉丙午命宣徽使襲古只赴朔州以兵圍其城有晉使至請開壁卽勿聽驛送闕下秋七月癸亥南唐遣使奉蠟丸書丙寅襲古只奏請遣使至朔令降守者猶堅壁弗納且言晉有貢物命卽以所貢物賜攻城將校己巳有司奏神轎車有蜂巢成蜜史占之吉壬申晉遣使進水晶硯八月癸巳南唐奉蠟丸書庚子晉遣使進犀弓竹矢吳越王遣使奉蠟丸書九月壬申有星孛于晉分丁丑幸歸化州冬十月辛丑有司奏燕薊大熟癸卯吳越王遣使來貢十一月丙寅晉以討安重榮來告庚午吐谷渾請降遣使撫諭阻卜來貢以其物賜左右丙子鴨淥江女直來貢壬午以永寧天授二節及正旦重午冬至臘並受賀著令十二月戊子晉遣使來告山南節度使安從進反詔以便宜討之庚寅南唐遣使奉蠟丸書戊戌晉遣王升鸞來貢戊申晉以敗安重榮來告遂遣楊彥詢歸辛亥晉遣使乞罷戍兵詔惕隱朔古班師甲寅攻拔朔州遣懿鶴指揮使譚里勞軍時襲古只戰歿城下上怒命誅城中丁壯仍以叛民上戶三十爲襲古只部曲

五年春正月丙辰朔上在歸化州御行殿受羣臣朝以諸道貢物進太后及賜宗室百僚戊午詔求直言

北王府郎君耶律海思應詔召對稱旨特授宣徽使詔政事令僧隱等以契丹戶分屯南邊戊辰晉函安

重榮首來獻上數欲親討重榮至是乃止癸酉遣使使晉是月晉以朔州平請使來賀遂遣客省使耶律化哥使晉并致生辰禮二月壬辰上將南幸以諸路有未平者召太子及羣臣議皆曰今襄鎮朔三州雖已平然吐谷渾爲安重榮所誘猶未歸命宜發兵討之以警諸部上曰正與朕合遂詔以明王隈恩代于越信恩爲西南路招討使以討之且諭明王宜先練習邊事而後之官甲午如南京遣使使晉索吐谷渾叛者乙未鼻骨德來貢三月乙卯朔晉遣齊州防禦使宋暉業翰林茶酒使張言來問起居閏月駐蹕陽門夏四月甲寅朔鐵驪來貢以其物分賜羣臣丙子晉遣使進射柳鞍馬五月五日戊午禁屠宰六月癸丑朔晉齊王重貴遣使來貢丁巳徒覲古素撒來貢乙丑晉主敬瑋殂子重貴立戊辰晉遣使告京輟朝七日庚午遣使往晉弔祭丁丑聞皇太后不豫上馳入侍湯藥必親嘗仍告太祖廟幸普薩堂飯僧五萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣答曰先帝則聖朝所立今主則我國自冊爲鄰爲孫則可奉表稱臣則不可榮還具奏之上始有南伐之意辛卯阻卜鼻骨德烏古來貢將軍闡德里蒲骨等率降將轄德至闡并獻所獲丁未晉遣使以祖母哀來告八月辛酉女直阻卜烏古各貢方物甲子晉復襄州戊辰詔河東節度使劉知遠送叛臣烏古指揮使由燕京赴闕癸酉遣天城軍節度使蕭拜石弔祭于晉九月壬辰遣使賀晉帝嗣位

冬十月己巳徵諸道兵遣將軍密骨德伐党項十一月己未武定軍奏松生粟十二月癸亥晉遣使來謝是冬駐蹕赤城

六年春二月乙卯晉遣使進先帝遺物辛酉晉遣使請居汴從之三月己卯朔吳越王遣使來貢甲申梅里喘引來歸戊子南唐遣使奉蠟丸書丁未晉至汴遣使來謝夏四月戊申朔日有食之五月己亥遣使如晉致生辰禮六月丁未朔鐵驪來貢己未奚鋤骨里部進白麝辛酉莫州進白鶻晉遣使貢金秋八月丁未朔晉復貢金己未如奉聖州晉遣其子延煦來朝冬十一月辛卯上京留守耶律迪輦得晉諜知有二心甲辰鐵驪來貢十一月丁未如南京議伐晉命趙延壽趙延昭安端解里等由滄恆易定分道而進大軍繼之是歲楊彥昭請移鎮柰灤及新鎮從之

七年春正月甲戌朔趙延壽延昭率前鋒五萬騎次任巳丙子安端入鴈門圍忻代己卯趙延壽圍貝州其軍校邵珂開南門納遼兵太守吳繼投井死己丑次元城授延壽魏博等州節度使封魏王率所部屯南樂丙申遣兵攻黎陽晉張彥澤來拒辛丑晉遣使來修舊好詔割河北諸州及遣桑維翰景延廣來議二月甲辰攻博州刺史周儒以城降晉平盧軍節度使楊光遠密道遼師自馬家口濟河晉將景延廣命石斌守麻家口白再榮守馬家口未幾周儒引遼軍麻答營于河東攻鄆州北津以應光遠晉遣李守貞

皇甫遇梁漢璋薛懷讓將兵萬人緣河水陸俱進遼軍圍晉別將于戚城晉主自將救之遼師解去守貞等至馬家口麻笞遣步卒萬人築營壘騎兵萬人守於外餘兵屯河西渡未已晉兵薄之遼軍不利三月癸酉朔趙延壽言晉諸軍沿河置柵皆畏却不敢戰若率大兵直抵澶淵據其橋梁晉必可取是日晉兵駐澶淵其前軍高行周在戚城乃命延壽延昭以數萬騎出行周右上以精兵出其左戰至暮上復以勁騎突其中軍晉軍不能戰會有諜者言晉軍東面數少沿河城柵不固乃急擊其東偏衆皆奔潰縱兵追及遂大敗之壬午留趙延昭守貝州徙所俘戶于內地夏四月癸丑還次南京辛未如涼陘五月癸酉耶律拔里得奏破德州擒刺史尹居藩及將吏二十七人六月甲辰黑車子室韋來貢乙巳紕沒里要里等國來貢秋七月己卯晉楊光遠遣人奉蠟丸書辛卯晉遣張暉奉表乞和留暉不遣八月辛酉回鶻遣使請婚不許是月晉鎮州兵來襲飛狐大同軍節度使耶律孔阿戰敗之九月庚午朔北幸十月丁未鼻骨德來貢壬戌天授節諸國進賀惟晉不至十一月壬申詔徵諸道兵以閏月朔會溫榆河北十二月癸卯南伐甲子次古北口閏月己巳朔闕諸道兵於溫榆河己卯圍恆州下其九縣

八年春正月庚子分兵攻邢洛磁三州殺掠殆盡入鄴都境張從恩馬全節安審琦兵悉陳于相州安陽水之南皇甫遇與濮州刺史慕容彥超將兵千騎來覘遼軍至鄴都遇遼軍數萬且戰且却至榆林店遼

軍繼至遇與彥超力戰百餘合遇馬斃步戰審琦引騎兵踰水以救遼軍乃還二月圍魏晉將杖重威率兵來救戊子晉將折從阮陷滕州三月戊戌師拔祁州殺其刺史沈斌庚戌杜重威李守貞攻秦州戊子趙延壽率前鋒薄秦城己未重威守貞引兵南遁追至陽城大敗之復以步卒爲方陣來拒與戰二十餘合壬戌復搏戰十餘里癸亥圍晉兵于白團衛村晉兵下鹿角爲營是夕大風至曙命鐵鶴軍下馬拔其鹿角奮短兵入擊順風縱火揚塵以助其勢晉軍大呼曰都招討何不用兵令士卒徒死諸將皆奮出戰張彥擇藥元福皇甫遇出兵大戰諸將繼至遼軍却數百步風益甚晝晦如夜符彥卿以萬騎橫擊遼軍率步卒並進遼軍不利上乘奚車退十餘里晉追兵急獲一橐駝乘之乃歸晉兵退保定州夏四月甲申還次南京杖戰不力者各數百庚寅宴將士於元和殿癸巳如涼陘六月戊辰回鶻來貢辛未吐谷渾鼻骨德皆來貢辛巳黑車子室韋來貢丁亥趙延壽奏晉兵襲高陽戍將擊走之秋七月乙卯獵平地松林晉遣孟守中奉表請和仍以前事答之八月己巳詔侍衛蕭素撤閱羣牧于北陘九月壬寅次赤山宴從臣問軍國要務對曰軍國之務愛民爲本民富則兵足兵足則國強上以爲然辛酉還上京冬十月辛未祠木葉山十一月戊戌女直鐵驪來貢十二月癸亥朔朝謁太祖行宮乙丑雲州節度使耶律孔阿護晉諜者戊辰獵賜諸國貢使衣馬

九年春正月庚子回鶻來貢丁未女直來貢二月戊辰鼻骨德奏軍籍三月己亥吐谷渾遣軍校恤烈獻
生口千戶授恤烈檢校司空夏四月辛酉朔吐谷渾白可久來附是月如涼陁五月庚戌晉易州戍將孫
方簡請內附六月戊子謁祖陵更闕神殿爲長思秋七月辛亥詔徵諸道兵故傷禾稼者以軍法論癸丑
女直來貢乙卯以阻卜酋長曷刺爲本部夷離董八月丙寅烏古來貢是月自將南伐九月壬辰闕諸道
兵于漁陽西棗林淀是月趙延壽與晉張彥澤戰于定州敗之十一月戊子朔進圍鎮州丙申先遣候騎
報晉兵至遣精兵斷河橋晉兵退保武強南院六王迪贊將軍高模翰分兵由瀛州間道以進杜重威遣
其將節度使梁漢璋率衆來拒與戰大敗之殺梁漢璋杜重威張彥澤刑兵據中渡橋趙延壽以步卒前
擊高彥溫以騎兵乘之追奔逐北殪屍數萬斬其將王清宋彥筠墮水死重威等退保中渡寨義武軍節
度使李殷以城降遂進兵夾漈泚而營去中渡寨三里分兵圍之夜則列騎環守晝則出兵抄掠復命大
內惕隱耶律朔骨里及趙延壽分兵圍守自將騎卒夜渡河出其後攻下藥城降騎卒數千分遣將士據
其要害下令軍中預備軍食三日不得舉煙火但獲晉人卽黥而縱之諸饋運見者皆棄而走於是晉兵
內外隔絕食盡勢窮十二月丙寅杜重威李守貞張彥澤等率所部二十萬衆來降上擁數萬騎臨大阜
立馬以受之授重威守太傅鄴都留守守貞天平軍節度使餘各領舊職分降卒之半付威重半以隸趙

延壽命御史大夫解里監軍傅桂兒張彥澤持詔入汴諭晉帝母李氏以安其意且召桑維翰景延廣先來留騎兵千人守魏自率大軍而南壬申解里等至汴晉帝重貴素服拜命與母李氏奉表請罪初重貴絕和好維翰數諫止之不從至是彥澤殺維翰給言自經死詔收葬之復其田園地宅仍厚恤其家甲戌彥澤遷重貴及其母若妻於開封府署以控鶴指揮使李榮督兵衛之壬午次赤岡重貴舉族出封丘門桑索牽羊以待上不忍臨視命改館封禪寺晉百官縞衣紗帽俯伏待罪上曰其主負恩其臣何罪命領職如故卽授安叔千金吾衛上將軍叔千出班獨立上曰汝邢州之請朕所不忘乃加鎮國軍節度使蓋在邢嘗密請內附也將軍康祥執景延廣來獻詔以牙籌數其罪凡八繫送都道自殺

大同元年春正月丁亥朔備法駕入汴御崇元殿受百官賀戊子以樞密副使劉敏權知開封府殺秦繼晏李彥紳及鄭州防禦使楊承勳以其弟承信爲平盧軍節度使襲父爵初楊光遠在青州求內附其子承勳不聽殺其判官巨濤及弟承祚等自歸于晉故誅之己丑以張彥澤擅徙重貴開封殺桑維翰縱兵大掠不道斬於市晉人櫛食之辛卯降重貴爲榮祿大夫檢校太尉封負義侯癸巳以張曠爲平章事晉李崧爲樞密使馮道爲太傅和凝爲翰林學士趙瑩爲太子太保劉煦守太保馮玉爲太子少保癸卯遣趙瑩馮玉李彥韜將三百騎送負義侯及其母李氏缺妃缺氏妻馮氏弟重睿子延煦延寶等于黃龍府

安置仍以其宮女五十人內宦二人東西班五十人醫官一人控鶴四人庖丁七人茶酒司三人儀鸞三人健卒十人從之二月丁巳朔建國號大遼大赦改元大同升鎮州爲中京以趙延壽爲大丞相兼政事令樞密使中京留守中外官僚將士爵賞有差辛未河東節度使北平王劉知遠自立爲帝國號漢詔以耿崇美爲昭義軍節度使高唐英爲昭德軍節度使崔廷勳爲河陽軍節度使分據要地三月丙戌朔以蕭翰爲宣武軍節度使賜將吏爵賞有差壬寅晉諸司僚吏嬪御宦寺方技百工圖籍厯象石經銅人明堂刻漏太常樂譜諸宮縣簿法物及鎧仗悉送上京磁州帥梁暉以相州降漢己酉命高唐英討之夏四月丙辰朔發自汴州以馮道李崧和凝李瀚徐台符張礪等從行次赤岡夜有聲如雷起於御幄大星復隕於旗鼓前乙丑濟黎陽渡顧謂侍臣曰朕此行有三失縱兵掠芻粟一也括民私財二也不遽遣諸節度還鎮三也皇太弟遣使問軍前事上報曰初以兵二十萬降杜重威張彥澤下鎮州及入汴視其官屬具員者省之當其才者任之司屬雖存官吏廢墮猶雛飛之後徒有空巢久經離亂一至於此所在盜賊屯結土功不息餽餉非時民不堪命河東尙未歸命西路酋帥亦相黨附夙夜以思制之之術惟推心庶僚和協軍情撫綏百姓三者而已今所歸順凡七十六處得戶一百九萬百一十八非汴州炎熱水土難居止得一年太平可指掌而致且改鎮州爲中京以備巡幸欲伐河東姑俟別圖其槩如此戊辰次高

邑不豫丁丑崩于欒城年四十六是歲九月壬子朔葬于鳳山陵曰懷陵廟號太宗統和二十六年七月
上尊諡孝武皇帝重熙三十一年九月增諡孝武惠文皇帝

贊曰太宗甫定多方遠近向化建國號備典章至於釐庶政闡名實錄囚徒教耕織配饌寡求直言之士
得郎君海思卽擢宣徽嘉唐張敬達忠於其君卒以禮葬輟遊豫而納三剋之請憫士卒而下休養之令
親征晉國重貴面縛斯可謂威德兼弘英略間見者矣入汴之後無幾微之驕有三矢之訓傳稱鄭伯之
誓處勝書進秦誓之能悔過太宗兼有之其卓矣乎

遼史卷四考證

太宗紀下十一月丙寅改元會同○

臣長發

按五代新史契丹改天顯十一年爲會同元年更其國號大

遼考太宗本紀止有改元而無改國號一事但改元在天顯十二年五代新史則在十一年

三年遣尅朗使吳越○尅朗資治通鑑作遙折

元 中 書 右 丞 相 總 裁 脫 脫 等 修

本紀第五

世宗

世宗孝和莊憲皇帝諱阮小字元欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁丑太宗崩於樂城戍寅梓宮次鎮陽卽皇帝位於柩前甲申次定州命天德朔古解里等護梓宮先赴上京太后聞帝卽位遣太弟李胡率兵拒之六月甲寅朔次南京五院夷离董安端詳穩劉哥遣人馳報請爲前鋒至泰德泉遇李胡軍戰敗之上遣郎君勤德等詣兩軍諭解秋閏七月次潢河太后李胡整兵拒於橫渡相持數日用屋質之謀各罷兵趨上京旣而聞太后李胡復有異謀遷于祖州誅司徒劃設及楚補里八月壬午朔尊母蕭氏爲皇太后以太后族刺只撒古魯爲國舅帳立詳穩以總焉以崇德宮戶分賜翼戴功臣及北院大王汪南院大王吼各五十安搏楚補各百的魯鐵刺子孫先以非罪籍沒者歸之癸未始置北院樞密使以安搏爲之九月壬子朔葬嗣聖皇帝於懷陵丁卯行柴冊禮羣臣上尊號曰天授皇帝大赦改大同

元年爲天祿元年追諡皇考曰讓國皇帝以安端主東丹國封明王察割爲泰寧王劉哥爲惕隱高勳爲南院樞密使

二年春正月天德蕭翰劉哥益都等謀反誅天德杖蕭翰遷劉哥於邊罰益都使轄曼斯國漢主劉知遠殂子承祐立夏四月庚辰朔南唐遣李昉王祚來慰且賀兼奉蠟丸書議攻漢秋七月壬申皇子賢生冬十月壬午南京留守魏王趙延壽薨以中臺省右相牒囑爲南京留守封燕王十一月駐蹕彰武南

三年春正月蕭翰及公主阿不里謀反翰伏誅阿不里瘐死獄中庚申肆赦內外官各進一階夏六月戊寅以敝史耶律胡離軫爲北院大王己卯惕隱頽昱封漆水郡王秋九月辛丑朔召羣臣議南伐冬十月遣諸將率兵攻下貝州高老鎮狗地鄴都南宮堂陽殺深州刺史史萬山俘獲甚衆

四年春二月辛未泰寧王察割來朝留侍是月建政事省三月戊戌朔南唐遣趙延嗣張福等來賀南征捷秋九月乙丑朔如山西冬十月自將南伐攻下安平內丘東鹿等城大獲而還是歲册皇后蕭氏

五年春正月癸亥朔如百泉湖漢郭威弑其主自立國號周遣朱憲來告卽遣使致良馬漢劉崇自立於

太原二月周遣姚漢英華昭胤來以書辭抗禮留漢英等夏五月壬戌朔太子太傅趙瑩薨輟朝一日命

歸葬于汴詔州縣錄事叅軍主簿委政事省銓注六月辛卯朔劉崇爲周所攻遣使稱姪乞援且求封册

卽遣燕王牒嶠樞密使高勳冊爲大漢神武皇帝南唐遣蔣洪來乞舉兵應援是夏清暑百泉嶺九月庚申朔自將南伐壬戌次歸化州祥古山癸亥祭讓國皇帝于行宮羣臣皆醉察割反帝遇弒年三十四應歷元年葬於顯州西山陵曰顯陵二年諡孝和皇帝廟號世宗統和二十六年七月加諡孝和莊憲皇帝贊曰世宗中才之主也入繼大統曾未三年納唐丸書卽議南伐旣乏持重宜乖周防蓋有致禍之道矣然而孝友寬慈亦有君人之度焉未及師還變起沉痾豈不可哀也哉

遼史卷五考證

世宗紀天授五年遣燕王牒螭樞密使高勳冊爲大漢神武皇帝○牒螭資治通鑑十國春秋皆作述軌

元 中 書 右 丞 相 總 裁 脫 脫 等 修

本紀第六

穆宗一

穆宗孝安敬正皇帝諱璟小字述律太宗皇帝長子母曰靖安皇后蕭氏會同二年封壽安王天祿五年九月癸亥世宗遇害逆臣察割等伏誅丁卯卽皇帝位羣臣上尊號曰天順皇帝改元應祿戊辰如南京是月遣劉承訓告哀于漢冬十一月漢周南唐各遣使來弔乙亥詔朝會依嗣聖皇帝故事用漢禮十二月甲辰漢遣使獻弓矢鞍馬壬子鐵驪鼻骨德皆來貢

二年春正月戊午朔南唐遣使奉蠟丸書及進犀兕甲萬屬壬戌太尉忽古質謀逆伏誅二月癸卯女直來貢三月癸亥南唐遣使奉蠟丸書丁卯復遣使來貢甲申以耶律撻烈爲南院大王夏四月丙戌朔日有食之己亥鐵驪進鷹鷂五月丙辰朔視朝壬午南唐遣使來貢六月壬辰國舅政事令蕭眉古得宣政殿學士李澣等謀南奔事覺詔暴其罪乙未祭天地壬寅漢爲周所侵遣使求援命中臺省右相高模翰赴之丁未命乳媪之兄曷魯世爲阿速石烈夷窩董秋七月乙亥政事令婁國林牙敵烈侍中神都郎君

海里等謀亂就戮八月己丑眉古得婁國等伏誅杖李潯而釋之九月甲寅朔雲州進嘉禾四莖二穗戊午詔以先平察割日用白黑羊玄酒祭天歲以爲常壬戌獵炭山祭天庚辰敵烈部來貢冬十月甲申朔漢遣使進葡萄酒甲午司徒老古等獻白雉戊申回鶻及轄戛斯皆遣使來貢十一月癸丑朔視朝己巳地震己卯日南至始用舊制行拜日禮朔州民進黑兔十二月癸未朔高模翰及漢兵圍晉州辛卯以生日飯僧釋繫囚甲辰獵于近郊祀天地辛亥明王安端薨

三年春閏正月壬午朔漢以高模翰却周軍遣使來謝二月辛亥朔詔用嗣聖皇帝舊鑿甲子太保敵烈脩易州城鎮州以兵來挑戰却之三月庚辰朔南唐遣使來貢因附書于漢詔達之庚寅如應州擊鞠丁酉漢遣使進毬衣及馬庚子觀漁于神德湖夏四月庚申鐵驪來貢五月壬寅漢遣使言石晉樹先帝聖德神功碑爲周人所毀請再刻許之六月丁卯應天皇太后崩秋七月不視朝八月壬子以生日釋囚己未漢遣使求援三河烏古吐蕃吐谷渾鼻骨德皆遣使來貢九月庚子漢遣使貢藥冬十月己酉命太師唐骨德治大行皇太后園陵李胡子宛郎君嵇幹敵烈謀反事覺辭逮太平王罽撒萬林牙華割郎君新羅等皆執之十一月辛丑諡皇太后曰貞烈葬祖陵漢遣使來會冬駐蹕奉聖州以南京水詔免今歲租

四年春正月戊寅回鶻來貢己丑華割嵇幹等伏誅宛及罽撒萬皆釋之是月周主威祖養子晉王柴榮

嗣立二月丙午朔周攻漢命政事令耶律敵祿授之丙辰漢遣使進茶藥幸南京夏五月乙亥忻代二州
叛漢遣南院大王撻烈助敵祿討之丁酉撻烈敗周將符彥卿於忻口六月癸亥撻烈獻所獲秋七月乙
酉漢民有爲遼軍誤掠者遣使來請詔悉歸之九月丙申漢爲周人所侵遣使來告冬十一月彰國軍節
度使蕭敵烈太保許從贊奏忻代二州捷十二月辛酉朔謁祖陵庚午漢遣使來貢是冬駐蹕杏嶼
五年春正月辛未朔鼻骨德來貢二月庚子朔日有食之庚申漢遣使請上尊號不許壬戌如裏澤夏四
月己酉周侵漢漢遣使求援癸丑命耶律蕭海瓌世爲北府宰相秋九月庚辰漢主有疾遣使來告冬十
月壬申女直來貢丁亥謁太宗廟庚寅南唐遣使來貢十一月乙未朔漢王崇祖子承鈞遣使來告且求
嗣立遣使弔祭遂封冊之十二月乙丑朔謁太祖廟辛巳漢遣使來議軍事
六年夏五月丁酉謁懷陵六月甲子漢遣使來議軍事秋七月不視朝九月戊午謁祖陵冬十一月壬寅
鼻骨德來貢十二月己未朔謁太祖廟

七年春正月庚子鼻骨德來貢二月辛酉南唐遣使奉蠟丸書辛未駐蹕潢河夏四月戊午朔還上京初
女巫肖古上延年藥方當用男子膽和之不數年殺人甚多至是覺其妄辛巳射殺之五月辛卯漢遣使
來貢六月丙辰周遣使來聘南唐遣使來貢八月己未周遣使來聘是秋不聽政冬十月庚申獵于七鷹

山十二月丁巳詔大臣曰有罪者法當刑朕或肆怒濫及無辜卿等切諫無或面從辛巳還上京

八年春二月乙丑駐蹕潢河夏四月甲寅南京留守蕭思溫攻下沿邊州縣遣人勞之五月周陷東城縣
六月辛未蕭思溫請益兵乞駕幸燕秋七月獵于拽刺山迄于九月射鹿諸山不視朝冬十一月辛酉漢
遣使來告周復來侵乙丑使再至十二月庚辰又至

九年春正月戊辰駐蹕潢河夏四月丙戌周來侵戊戌以南京留守蕭思溫爲兵馬都總管擊之是月周
拔益津瓦橋淤口三關五月乙巳朔陷瀛莫二州癸亥如南京辛未周兵退六月乙亥朔視朝戊寅復容
城縣庚申西幸如懷州是月周主榮殂子宗訓立秋七月發南京軍戍范陽冬十二月戊寅還上京庚辰
王子敵烈前宣徽使海思及蕭達干等謀反事覺鞠之辛巳祀天地祖考告逆黨事敗丙申召羣臣議時
政

十年春正月周殿前都點檢趙匡胤廢周自立建國號宋夏五月乙巳謁懷陵壬子漢以潞州歸附來告
丙寅至自懷陵六月庚申漢以宋兵圍石州來告遣大同軍節度使阿剌率四部往援詔蕭思溫以三部
兵助之秋七月己亥朔宋兵陷石州潞州復叛漢使來告辛酉政事令耶律壽遠太保楚阿不等謀反伏
誅以酒脯祀天地于黑山八月如秋山幸懷州庚午以鎮酋石拔兒擊殺近侍古哥冬十月丙子李胡子

喜隱謀反辭連李胡下獄死十一月海思獄中上書陳便宜

十一月春二月丙寅釋喜隱辛亥司徒烏里只子迭刺哥誣告其父謀反復詐乘傳及殺行人以其父請杖而釋之丙辰蕭思溫奏老人星見乞行赦宥閏月甲子如潢河夏四月癸巳朔日有食之是月射鹿不視朝五月乙亥司天王白李正等進歷六月甲午赦冬十一月歲星犯月

十二年春正月甲戌夜觀燈二月己丑朔以御史大夫蕭護思爲北院樞密使賜對衣鞍馬夏五月庚午以旱命左右以水相沃頃之果雨六月甲午祠木葉山及潢河秋如黑山赤山射鹿

十三年春正月自丁巳晝夜酣飲者九日丙寅宋欲城益津關命南京留守高勳統軍使崔延勳以兵擾之癸酉殺獸海里二月庚寅漢遣使來告欲巡邊徵乞張聲援壬辰如潢河癸巳觀羣臣射賜物有差乙巳老人星見三月癸丑朔殺鹿人彌里吉臬其首以示掌鹿者夏四月壬寅獵于潢河五月壬戌幹朶改國所進花鹿生麋六月癸未近侍傷獐杖殺之甲申殺獐人霞馬壬辰詔諸路錄囚秋七月辛亥朔漢以宋侵來告乙丑薦時羞於廟八月甲申以生日縱五坊鷹鷂戊戌幸近山呼鹿射之旬有七日而後返九月庚戌朔以青牛白馬祭天地飲于野次終夕乃罷辛亥以酒脯祭天地復終夜酣飲冬十月丙申漢以宋侵來告十一月庚午獵飲于虞人之家凡四日十二月戊子射野鹿賜虞人物有差庚寅殺羣人曷

主

遼史卷六

穆宗紀一應縣四年周攻漢命政事令耶律敵祿援之。

臣長發

按資治通鑑北漢入寇請兵于契丹契

丹遣其武定節度使政事令楊褒將萬餘騎如晉陽據此則契丹所遣者楊褒而遼史則為耶律敵祿豈敵祿本是楊褒而獲賜姓者耶

九年夏四月周拔益津瓦橋淤口三關五月乙巳朔陷瀛莫二州辛未周兵退。

臣長發

按資治通鑑周

世宗之拔三關得莫州在四月而瀛州之降乃在五月朔其退兵于五月壬子遼史記陷瀛莫二州于五月朔辛未周兵即退俱有誤

遼史卷六考證

元 中 書 右 丞 相 總 裁 脫 脫 等 修

本紀第七

穆宗二

十四年春正月戊寅朔奉安神靈戊戌漢以宋將來襲馳告二月壬子詔西南面招討使撻烈進兵援漢
癸亥如潢河戊辰支解鹿人沒答海里等七人于野封土識其地己巳如老林東濼壬申漢以敗宋兵石
州來告夏四月丁巳漢以擊退宋軍遣使來謝是月黃龍府甘露降五月射詆謙鹿于白鷹山至于浹旬
六月丙午朔獵于玉山竟月忘返秋七月壬辰以酒脯祀黑山八月乙巳如磴子嶺呼鹿射之獲鹿四賜
虞人女環等物有差丁未還宮戊申以生日值天赦不受賀曲赦京師囚乙卯錄囚九月黃室韋叛冬十
月丙午近侍烏古者進石錫賜白金二百五十兩丙辰以掌鹿矧思代幹里爲開撒狝賜金帶金盞銀二
百兩所隸死罪以下得專之十一月壬午日南至宴飲達旦自是晝寢夜飲殺近侍小大於禁中十二月
丙午以黑兔祭神烏古叛掠民財畜詳穩僧隱與戰敗績僧隱及乙實等死之

十五年春正月己卯以樞密使雅里斯爲行軍都統虎軍詳穩楚思爲行軍都監益以突呂不部軍二百

合諸部兵討之烏古夷裔董子勃勒底獨不叛詔褒之是月老人星見二月壬寅朔日有食之上東幸申寅以獲鴨除鷹坊刺面腰斬之刑復其徭役是月烏古殺其長宰離底餘眾降復叛三月癸酉近侍東兒進匕筯不時手刃刺之丁丑大黃室韋酋長寅尼吉叛癸未五坊人四十戶叛入烏古癸巳虞人沙刺迭偵鵝失期加炮烙鐵梳之刑而死夏四月乙巳小黃室韋叛雅里斯楚思等擊之爲室韋府敗遣使詰之乙卯以禿里代雅里斯爲都統以女古爲監軍率輕騎進討仍令撻馬尋吉里持詔招諭五月壬申尋吉里奏諭之不從雅里斯以撻溧蘇二羣牧兵追至柴河與戰不利甲申庫古只奏室韋長寅尼吉亡入敵烈六月辛亥兪魯古獻良馬賜銀二千兩以近侍忽刺比馬至先以聞賜銀千兩是月敵烈來降秋七月甲戌雅里斯奏烏古至河德灤遣夷裔董晝里夷裔畢常思擊之丁丑烏古掠上京北榆林峪居民遣林牙蕭幹討之庚辰雅里斯等與烏古戰不利十月丁未常思與烏古戰敗之十二月甲辰以近侍喜哥私歸殺其妻丁未殺近侍隨魯駐蹕黑山平淀

十六年春正月丁卯朔被酒不受賀甲申微行市中賜酒家銀絹乙酉殺近侍白海及家僕衫福押刺萬樞密使門吏老古撻馬失魯二月己巳東幸庚午獲鴨甲申獲鵝皆飲達旦五月甲申以歲旱泛舟于池禱雨不雨捨舟立水中而禱俄頃乃雨六月丙申以白海死非其罪賜其家銀絹秋七月壬午諭有司凡

行幸之所必高立標識令民勿犯違以死論八月丁酉漢遣使貢金器鎧甲閏月乙丑觀野鹿入馴鹿羣立馬飲至晡九月庚子以重九宴飲夜以繼日至壬子乃罷己未殺狼人裏里十月庚辰漢主有母喪遣使賻弔十二月甲子幸酒人拔刺哥家復幸殿前都點檢耶律夷曷葛第宴飲連日賜金盃細錦及孕馬百疋左右授官者甚衆戊辰漢遣使來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏古還帝執其手賜卮酒授賢適右皮室詳穩雅里斯楚思霞里三人賜醢酒以辱之乙卯夷离畢骨欲獻烏古俘二月甲子高勳奏宋將城益津關請以偏師擾之上從之夏四月戊辰殺鷹人敵魯丙子射柳祈雨復以水沃羣臣五月辛卯殺鹿人札葛壬辰北府宰相蕭海環薨輟朝罷重五宴六月己未支解雉人壽哥念古殺鹿人四十四人是夏駐蹕裏潭秋八月辛酉生日以政事令阿不底病亟不受賀九月自丙戌朔獵于黑山赤山至于月終冬十月乙丑殺酒人粹徐十一月辛卯殺近侍廷壽壬辰殺豕人阿不禮曷魯朮里者涅里括庚子司天臺奏月當食不虧上以爲祥歡飲達旦壬寅殺鹿人唐果直哥撒刺十二月辛未手殺饗人海里復鬻之是冬駐蹕黑河平

淀

十八年春正月乙酉朔宴于宮中不受賀己亥觀燈于市以銀百兩市酒命羣臣亦市酒縱飲三夕二月

乙卯幸五坊使霞實里家宴飲達旦三月甲申如潢河乙酉獲鴛鴦祭天地造大酒器刻爲鹿文名曰鹿
甕貯酒以祭天庚戌殺鵝人胡特魯近侍化葛及監囚海里仍判海里之尸夏四月癸丑殺瑛人抄里只
己巳詔左右從班有材器幹局者不次擢用老耄者增俸以休于家五月丁亥重五以被酒不受賀壬辰
獲鵝于述古水野飲終夜丁酉與政事令蕭排押南京留守高勳太師昭古劉承訓等酣飲連日夜己亥
殺鹿人頗德騰哥陶瑰札不哥蘇古涅離保彌古特敵答等六月丙辰殺瑛人屯奴己未爲殿前都點檢
夷臈葛置神帳曲赦京畿囚甲戌撻烈於鵝窠中得牝犬來進是夏清暑裏潭秋七月辛丑漢主承鈞殂
子繼元立來告遣使弔祭九月戊子殺詳穩八刺拽刺痕篤等四人己丑登小山祭天地戊戌知宋欲襲
河東諭西南面都統南院大王撻烈豫爲之備己亥獵熊以喚鹿人鋪姑并掖庭戶賜夷臈葛甲辰以夷
臈葛兼政事令仍以黑山東抹真之地數十里賜之以女環爲近侍女直詳穩憂陌爲本部夷臈董是秋
獵于西京諸山冬十月辛亥朔宋圍太原詔撻烈爲兵馬總管發諸道兵救之十一月癸卯冬至被酒不
受賀十二月丁丑殺酒人撻烈葛是冬駐蹕黑山東川

十九年春正月己卯朔宴宮中不受賀己丑立春被酒命殿前都點檢夷臈葛代行擊土牛禮甲午與羣
臣爲葉格戲戊戌醉中驟加左右官乙巳詔太尉化哥曰朕醉中處事有乖無得曲從酒解可覆奏自立

春飲至月終不聽政三月甲寅漢劉繼元嗣立遣使乞封册辛酉遣韓知範册爲皇帝癸亥殺前導未及
益刺劉其屍棄之甲子漢遣使進白鹿己巳如懷州獵獲熊歡飲方醉馳還行宮是夜近侍小哥哥盟人花
哥虐人辛古等大人反帝遇弑年三十九廟號穆宗後附葬懷陵重熙二十一年諡曰孝安敬正皇帝
贊曰穆宗在位十八年知女巫妖妄見誅諭臣下濫刑切諫非不明也而荒耽于酒畋獵無厭偵鵝失期
加炮烙鐵梳之刑獲鴨甚歡除鷹坊刺面之令賞罰無章朝政不視而嗜殺不已變起肘腋宜哉

遼史卷七

穆宗紀二十八年秋七月辛丑漢主承鈞殂子繼元立○

臣人龍

按宋史北漢世家劉鈞卒繼恩立繼恩

弒繼元立而遼史不書繼恩者蓋劉崇在時凡事稟命于遼歲使不絕鈞立禮文多略遼主遣書責以三罪自是契丹使不來而漢使往輒見留至繼元復結契丹爲援而告己之立遼始遣使弔祭故據事而直書之非遺漏繼恩也

元中書右丞相總裁脫脫等修

本紀第八

景宗一

景宗孝成康靖皇帝諱賢字賢靈小字明晟世宗皇帝第二子母曰懷節皇后蕭氏察割之亂帝甫四歲穆宗卽位養永興宮既長穆宗酗酒怠政帝一日與韓匡嗣語及時事耶律賢適止之帝悟不復言應曆十九年二月戊辰入見穆宗曰吾兒已成人可付以政己巳穆宗遇弑帝率飛龍使女里侍中蕭思溫南院樞密使高勳率甲騎千人馳赴黎明至行在哭之慟羣臣勸進遂卽皇帝位於柩前百官上尊號曰天贊皇帝大赦改元保靈以殿前都點檢耶律夷臘右皮室詳穩蕭烏里只宿衛不嚴斬之三月丙戌入上京以蕭思溫爲北院樞密使太平王罽撒葛亡入沙陀己丑夷臘畢粘木袞以陰附罽撒葛伏誅癸巳罽撒葛入朝甲午以北院樞密使蕭思溫兼北府宰相己亥南院樞密使高勳封秦王夏四月戊申朔進封太平王罽撒葛爲齊王改封趙王喜隱爲宋王封隆先爲平王稍爲吳王道隱爲蜀王必攝爲越王敵烈爲冀王宛爲衛王五月戊寅立貴妃蕭氏爲皇后丙申朔射柳祈雨有司請以帝生日爲天濟節從之壬

寅漢遣李匡弼劉繼文李元素來賀冬十月東幸震澤十一月甲辰朔行柴冊禮祠木葉山駐蹕鶴谷乙巳蕭思溫封魏王北院大王屋質加于越

二年春正月丁未如潢河夏四月幸東京致奠于讓國皇帝及世宗廟五月癸丑西幸乙卯次盤道嶺盜殺北院樞密使蕭思溫六月還上京秋七月以右皮室詳穩賢適爲北院樞密使九月辛丑得國舅蕭海只及海里殺蕭思溫狀皆伏誅流其弟神觀于黃龍府十二月庚午漢遣使來貢

三年春正月甲寅右夷離畢奚底遣人獻敵烈俘詔賜有功將士庚申置登聞鼓院辛酉南京統軍使魏國公韓匡美封鄴王二月癸酉東幸壬午遣鐸遏使阿薩蘭回鶻己丑以青牛白馬祭天地三月丁未以飛龍使女里爲契丹行宮都部署夏四月丁卯世宗妃啜里及蒲哥厭魅賜死己卯祠木葉山行再生禮丙戌至自東幸戊子蕭神觀伏誅六月丙子漢遣使問起居自是繼月而至丁丑回鶻遣使來貢秋七月辛丑以北院樞密使賢適爲西北路招討使八月甲戌如秋山辛卯祭皇兄吼墓追冊爲皇太子諡莊聖九月乙巳賜傅父侍中達里迭太保楚補太保婆兒保母回室押雅等戶口牛羊有差又以潛邸給使者爲撻馬部置官主之壬子幸歸化州甲寅如南京冬十月己巳以黑白羊祀神癸未漢遣使來貢丙戌鼻骨德吐谷渾來貢十一月庚子臚胸河于越延尼里等率戶四百五十來附乞隸宮籍詔留其戶分隸教

曠穰慶永興三宮優賜遣之十二月癸酉以青牛白馬祭天地己丑皇子隆緒生是冬駐蹕金川
四年春二月癸亥漢以皇子生遣使來賀閏月戊申齊王囂撤萬薨三月庚申朔追冊爲皇太叔夏四月
庚寅朔追封蕭思溫爲楚國王是夏駐蹕冰井秋七月如雪州丁丑鼻骨德來貢冬十月丁亥朔如南京
十二月甲午詔內外官上封事

五年春正月甲子惕隱休哥伐党項破之以俘獲之數來上漢遣使來貢庚午御五鳳樓觀燈二月丁亥
近侍寶魯里誤觸神籙法論死杖釋之王辰越王必攝獻党項俘獲之數戊申以青牛白馬祭天地辛亥
幸新城三月乙卯朔復幸新城追封皇后祖胡母里爲韓王贈伯胡魯古兼政事令尼古只兼侍中夏四
月丙申白氣晝見五月癸亥于越屋質薨輟朝三日辛未女直侵邊殺都監達里迭拽刺斡里魯驅掠邊
民牛馬己卯阿薩蘭回鶻來貢六月庚寅女直宰相及夷离董來朝丙申漢遣人以宋事來告秋七月庚
辰以保大軍節度使耶律斜里底爲中臺省左相是月駐蹕燕子城九月壬子鼻骨德部長曷魯撻覽來
貢冬十月丁酉如南京十一月辛亥朔始獲應歷逆黨近侍小哥花哥辛古等誅之十二月戊戌漢將改
元遣使稟命是月如歸化州

六年春正月癸未幸南京三月宋遣使請和以涿州刺史耶律昌朮加侍中與宋議和夏四月宋王喜隱

坐謀反廢秋七月丁未朔閤門使酌古加檢校太尉兼御史大夫男海里以告喜隱事遙授隴州防禦使
庚申獵于平地松林冬十月乙亥朔還上京十二月戊子以沙門昭敏爲三京諸道僧尼都總管加兼待
中

七年春正月甲戌朔宋遣使來賀壬寅望祠木葉山二月癸亥漢鴈門節度使劉繼文來朝貢方物丙寅
以青牛白馬祭天地三月壬午耶律速撒等獻党項俘分賜羣臣夏四月遣郎君矧思使宋己酉祠木葉
山辛亥射柳祈雨如頻蹕淀清暑五月丙戌祭神姑秋七月黃龍府衛將燕頗殺都監張琚以叛遣敝史
耶律曷里必討之九月敗燕頗於治河遣其弟安搏追之燕頗走保兀惹城安搏乃還以餘黨千餘戶城
通州是秋至自頻蹕淀冬十月釣魚土河

八年春正月癸酉宋遣使來聘二月壬寅諭史館學士書皇后言亦稱朕暨予著爲定式三月辛未遣五
使廉問四方鰥寡孤獨及貧乏失職者賑之夏六月以西南面招討使耶律斜軫爲北院大王秋七月丙
寅朔寧王只沒妻安只伏誅只沒高勳等除名辛未宋遣使來賀天清節八月癸卯漢遣使言天清節設
無遮會飯僧祝釐丁未如秋山己酉漢以宋事來告是月女直侵貴德州東境九月己巳謁懷陵辛未東
京統軍使察鄰詳穩溷奏女直襲歸州五寨剽掠而去乙亥鼻骨德來貢壬午漢爲宋人所侵遣使求援

命南府宰相耶律沙翼王敵烈赴之戊子漢以宋師壓境遣駙馬都尉盧俊來告冬十月辛丑漢以邊師
退宋軍來謝十一月丙子宋主匡胤殂其弟昞自立遣使來告辛卯遣郎君王六撻馬涅木古等使宋甲
慰十二月壬寅遣蕭只古馬哲賀宋卽位丁未漢以宋軍復至掠其軍儲來告且乞賜糧爲助戊午詔南
京復禮部貢院是月轄曼斯國遣使來貢

遼史卷八

遼史卷八考證

景宗紀一保寧六年三月宋遣使請和以涿州刺史耶律昌胤加侍中與宋議和○臣人龍按職官分紀

開寶七年契丹涿州刺史耶律琮以書遺雄州孫全興願講好于朝廷八年契丹遣欵附使克沙骨慎思來聘自是乃通使矣據此則通和乃契丹之意而遼史書宋遣使請和不書宋之報使諱之也遼書昌胤而宋書琮則名參差不同

八年十一月丙子宋主匡胤殂其弟昞自立○臣宗楷按太宗改名昞在太平興國二年二月遼史固預

爲書之耳

遼史卷八考證

元 中 書 右 丞 相 總 裁 脫 脫 等 修

本紀第九

景宗二

九年春正月丙寅女直遣使來貢二月庚子宋遣使致其先帝遺物甲寅以青牛白馬祭天地三月癸亥耶律沙敵烈獻援漢之役所獲宋俘戊辰詔以粟二十萬斛助漢五月庚午漢遣使來謝且以宋事來告己丑女直二十一人來請宰相夷离董之職以次授之六月丙辰以宋王喜隱爲西南面招討使秋七月庚申朔回鶻遣使來貢甲子宋遣使來聘壬申漢以宋侵來告丙子遣使助漢戰馬八月漢遣使進葡萄酒冬十月甲子耶律沙以党項降酋可醜買友來見賜詔撫諭丁卯以可醜爲司徒買友爲太保各賜物遣之壬申女直遣使來貢乙酉漢復遣使以宋事來告十一月丁亥朔司天奏日當食不虧戊戌吐谷渾叛入太原者四百餘戶索而還之癸卯祠木葉山乙巳遣太保迭烈烈割等使宋乙卯漢復遣使來以事來告十二月戊辰獵于近郊以所獲祭天

十年春正月癸丑如長瀼二月庚午阿薩蘭回鶻來貢三月庚寅祭顯陵夏四月丁卯西幸己巳女直遣

使來貢五月癸卯賜女里死遣人誅高勳等六月己未駐蹕涇柳湖秋七月庚戌享太祖廟九月癸未平王隆先子陳哥謀害其父車裂以徇是冬駐蹕金川

乾亨元年春正月乙酉遣撻馬長壽使宋問興師伐劉繼元之故丙申長壽還言河東逆命所當問罪若北朝不援和約如舊不然則戰二月丁卯漢以宋兵壓境遣使乞援詔南府宰相耶律沙爲都統冀王敵烈爲監軍赴之又命南院大王斜軫以所部從樞密副使抹只督之三月辛巳速撒遣人以別部化哥等降納之丙戌漢遣使謝撫諭軍民詔北院大王奚底乙室王撒合等以兵戍燕己丑漢復告宋兵入境詔左千牛衛大將軍韓侗大同軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利冀王敵烈及突呂不部節度使都敏黃皮室詳穩唐答皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月己卯宋兵至河東漢與戰不利劉繼文盧俊來奔六月劉繼元降宋漢亡甲子封劉繼文爲彭城郡王盧俊同政事門下平章事宋主來使丁卯北院大王奚底統軍使蕭討古乙室王撒合擊之戰于沙河失利己巳宋主圖南京丁丑詔諭耶律沙及奚底討古等軍中事宜秋七月癸未沙等及宋兵戰于高粱河少却休哥斜軫橫擊大敗之宋主僅以身免至涿州竊乘驢車遁去甲申擊宋餘軍所殺甚衆獲兵仗器甲符印糧饋貨幣不可勝計辛丑

耶律沙遣人上俘獲以權知南京留守事韓德讓權南京馬步軍都指揮使耶律學古知三司事劉弘皆能安人心捍城池並賜詔褒獎八月壬子阻卜惕隱曷魯夷窩董阿里觀等來朝乙丑耶律沙等獻俘丙寅以白馬之役責沙抹只復以走宋主功釋之奚底遇敵而退以劍背擊之撒合雖却部伍不亂宥之奚王敵烈麾下先遁者斬之都監以下杖之壬申宴沙抹只等將校賜物有差九月己卯燕王韓匡嗣爲都統南府宰相耶律沙爲監軍惕隱休哥南院大王斜軫權奚王抹只等各率所部兵南伐仍命大同軍節度使替補領山西兵分道以進冬十月乙丑韓匡嗣與宋兵戰於滿城敗績辛未太保矧思與宋兵戰於火山敗之乙亥詔數韓匡嗣五罪赦之十一月戊寅宴賞休哥及有功將校乙未南院樞密使兼政事令郭襲上書諫敗獵嘉納之辛丑冬至赦改元乾亨十二月乙卯燕王韓匡嗣遙授晉昌軍節度使降封秦王壬戌蜀王道隱南京留守徙封荆王是冬駐蹕南京

二年春正月丙子朔封皇子隆緒爲梁王隆慶爲恒王丁亥以惕隱休哥爲北院大王前樞密使賢適封西平郡王二月戊辰如清河三月丁亥西南面招討副使耶律王六太尉化哥遣人獻党項俘閏月庚午有鶻飛止御帳獲以祭天夏四月庚辰祈雨戊子清暑燕子城五月雷火乾陵松六月己亥喜隱復謀反囚于祖州秋七月戊午王六等獻党項俘八月戊戌東幸冬十月辛未朔命巫者祠天地及兵神辛巳將

南伐祭旗鼓癸未次南京丁亥獲敵人射鬼箭庚寅次固安以青牛白馬祭天地己亥圍瓦橋關十一月庚子朔宋兵夜襲營突呂不部節度使蕭幹及四捷軍詳繼耶律痕德戰却之壬寅休哥敗宋兵於瓦橋東守將張師引兵出戰休哥奮擊敗之戊申宋兵陣於水南休哥涉水擊破之追至莫州殺傷甚衆己酉宋兵復來擊之殆盡丙辰班師乙丑還次南京十二月庚午朔休哥拜于越大饗軍士

三年春二月丙子東幸己丑復幸南京三月乙卯皇子韓八卒辛酉葬潢土二河之間置永州以秦王韓匡嗣爲西南面招討使五月丙午上京漢軍亂劫立喜隱不克僞立其子留禮壽上京留守除室擒之秋七月甲子留禮壽伏誅冬十月如蒲瑰坡十一月辛亥加除室同政事門下平章事是月以南院樞密使郭襲爲武定軍節度使十二月以遼興軍節度使韓德讓爲南院樞密使

四年春正月己亥如華林天柱三月乙未清明與諸王大臣較射宴飲夏四月自將南伐至滿城戰不利守太尉奚瓦里中流矢死統軍使善補爲伏兵所圍樞密使斜軫救免詔以失備杖之五月班師清暑燕子城秋七月壬辰遣使賜喜隱死八月如西京九月庚子幸雲州甲辰獵于祥古山帝不豫壬子次焦山崩於行在年三十五在位十三年遺詔梁王隆緒嗣位軍國大事聽皇后命統和元年正月壬戌上尊諡孝成皇帝廟號景宗重熙二十一年加諡孝成康靖皇帝

贊曰遼興六十餘年神冊會同之間日不暇給天祿應厭之君不令其終保寧而來人人望治以景宗之
資任人不疑信賞必罰若可與有爲也而竭國之力以助河東破軍殺將無救滅亡雖一取償於宋得不
償失知匡嗣之罪數而不罰善郭襲之諫納而不用沙門昭敏以左道亂德寵以侍中不亦惑乎

遼史卷九

遼史卷九考證

景宗紀二九年秋七月甲子宋遣使來聘○臣長發按續通鑑綱目夏四月乙卯葬永昌陵契丹遣耶律

敵會葬尋遣辛仲甫報謝之遼史略去會葬之使而止書宋使來聘

通史卷九考證

元中書右丞相總裁脫脫等修

本紀第十

聖宗一

聖宗文武大孝宣皇帝諱隆緒小字文殊奴景宗皇帝長子母曰睿智皇后蕭氏帝幼喜書翰十歲能詩
既長精射法曉音律好繪畫乾亨二年封梁王四年九月壬子景宗崩癸丑卽皇帝位於柩前時年十二
皇后奉遺詔攝政詔諭諸道冬十月己未朔帝始臨朝辛酉羣臣上尊號曰昭聖皇帝尊皇后爲皇太后
大赦以南院大王勃古哲總領山西諸州事北院大王于越休哥爲南面行軍都統奚王和朔奴副之同
政事門下平章事蕭道寧領本部軍駐南京乙丑如顯州十一月甲午置乾州十二月戊午耶律速撒討
阻卜辛酉南京留守荆王道隱奏宋遣使獻犀帶請和詔以無書却之甲子撻刺干乃萬十醉言宮掖事
法當死杖而釋之辛未南面招討使秦王韓匡嗣薨癸酉奉大行皇帝梓宮于鼓塗殿庚辰省置中臺省
官

統和元年春正月戊午朔以大行在殯不受朝乙丑奉遺詔召先帝庶兄質睦于鼓塗殿前復封靈王加

宰相室昉宣徽使普領等恩丙寅荆王道隱有疾詔遣使存問是日皇太后幸其邸視疾戊辰以烏隰烏骨里部節度使耶律章瓦同政事門下平章事甲戌荆王道隱薨輟朝三日追封晉王遣使撫慰其家丙子以于越休哥爲南京留守仍賜南面行營總管印綬總邊事渤海撻馬解里以受先帝厚恩乞殉葬詔不許賜物以旌之戊寅遣使賜于越休哥及奚王壽寧統軍使頗德等湯藥命懸篤持送休哥下車勝以諭燕民辛巳速撒獻阻卜俘壬午涿荆刺史安吉奏宋築城河北詔留守于越休哥撓之勿命就功趙妃及公主胡骨典奚王壽寧宰相安寧北大王普奴寧惕隱屈烈吳王稍寧王只沒與橫帳國舅契丹漢宮等並進助山陵費癸未齊國公主率內外命婦進物如之甲申西南面招討使韓德威奏党項十五部侵邊以兵擊破之乙酉以速撒破阻卜下詔褒美仍諭與大漢討党項諸部丁亥樞密使兼政事令室助以年老請解兼職詔不允二月戊子朔禁所在官吏軍民不得無故聚衆私語及冒禁夜行違者坐之己丑南京奏聞宋多聚糧邊境及宋主將如臺山詔休哥嚴爲之備甲午葬景宗皇帝於乾陵以近幸朗寧飲伶人撻魯爲殉上與皇太后因爲書附上大行丙申皇太后詣陵置奠命繪近臣於御容殿賜山陵工人物有差庚子以先帝遺物賜皇族及近臣辛丑南京統軍使耶律善補奏宋邊七十餘村來附詔撫存之乙巳以御容殿爲玉殿酒谷爲聖谷速撒奏討党項捷遣使慰勞戊申以惕隱化哥爲北院大王解領爲

南府宰相辛亥幸聖山遂謁三陵甲寅以皇女長壽公主下嫁國舅宰相蕭婆項之子吳留三月戊午天
德軍節度使顏刺父子戰歿以其弟涅離襲爵己未次獨山遣使賞西南面有功將士辛酉以大父帳太
尉耶律曷魯寧爲惕隱甲子駐蹕遼河之平定癸巳以國舅同平事蕭道寧爲遼興軍節度使仍賜號
忠亮佐理功臣壬午以青牛白馬祭天地夏四月丙戌朔幸東京以樞密副使耶律末只兼侍中爲東京
留守庚寅謁太祖廟癸巳詔賜物命婦寡居者丙申南幸辛丑謁三陵以東京所進物分賜陵寢官吏復
詔賜西南路招討使大漢劍不用命者得專殺壬寅致享于凝神殿癸卯謁乾陵乙巳遣人以酒脯祭平
章耶律河陽墓庚戌幸夫人烏骨里第謁太祖御容禮畢幸公主胡古典第飲賜與甚厚壬子大臣以太
后預政宜有尊號請下有司詳定冊禮詔樞密院諭沿邊節將至行禮日止遣子弟奉表稱賀恐失邊備
樞密請詔北府司徒頗德譯南京所進律文從之遂如徽州以耶律慶朗爲信州節度使五月丙辰朔國
舅政事門下平章事蕭道寧以皇太后慶壽請歸父母家行禮而齊國公主及命婦羣臣各進物設宴賜
國舅帳者年物有差壬戌西南路招討請益兵討西突厥諸部詔北王府耶律蒲奴寧以敵畢迭烈二部
兵赴之癸亥以于越休哥在南院過用吏人詔南大王毋相循襲庚午耶律善補招亡入宋者得千餘戶
歸國詔令撫慰辛未次永州祭王子藥師奴墓乙亥詔近臣議皇太后上尊號冊禮樞密使韓德度以後

漢太后臨朝故事草定上之丙子以青牛白馬祭天地戊寅幸木葉山西南路招討使大漢奏近遣拽刺
跋刺哥諭党項諸部來者甚衆下詔褒美六月乙酉朔詔有司冊皇太后日給三品以上法服三品以下
用大射柳之服西南路招討使奏党項酋長執夷离董子隈引等乞內附詔撫納之仍察其誠僞謹邊備
丙戌還上京己丑有司奏同政事門下平章事駙馬都尉盧俊與公主不協詔離之遂出俊爲興國軍節
度使辛卯有事于太廟甲午上率羣臣上皇太后尊號曰承天皇帝太后羣臣上皇帝尊號曰天輔皇帝大
赦改元統和丁未覃恩中外文武官各進爵一級以樞密副使耶律斜軫守司徒秋七月甲寅朔皇太后
聽政乙卯上親錄囚壬子司徒婁國坐稱疾不赴山陵管二十辛酉行再生禮癸酉臨潢尹褒袞進飲饌
上與諸王分朋擊鞠丙子韓德威遣詳穩轄馬上破党項俘獲數千送夷离董之子來獻辛巳賞西南面
有功將士八月戊子上西巡己丑謁祖陵辛卯皇太后祭楚國王蕭思温墓癸巳上與皇太后謁懷陵遂
幸懷州甲午上與斜軫於太后前易弓矢鞍馬約以爲友己亥獵赤山遣使薦熊肪鹿脯于乾陵之凝神
殿以政事令孫楨無子詔國舅小翁帳郎君桃隈爲之後乙巳詔于越休哥提點元城壬子韓德威表請
伐党項之復叛者詔許之仍發別部兵數千以助之九月癸丑朔以東京平州旱蝗詔賑之乙卯謁永興
長寧敦睦三宮丙辰南京留守奏秋霖害稼請權停關征以通山西糴易從之庚申謁宣簡皇帝廟辛酉

幸祖州謁祖陵壬戌還上京辛未有司請以帝生日爲十齡節從之皇太后言故于越屋只有傳導功宜錄其子孫遂命其子泮決爲林牙丙子如老翁川冬十月癸未朔司天奏老人星見戊子以公主淑哥下嫁國舅詳穩照姑癸巳速撒奏敵烈部及叛蕃來降悉復故地乙未以燕京留守于越休哥言每歲諸節度使貢獻如契丹宮例止進鞍馬從之丁酉以吳王稍爲上京留守行臨潢尹事上將征高麗親閱東京留守耶律末只所總兵馬丙午命宣徽使兼侍中蒲領林牙肯德等將兵東討賜旗鼓及銀符十一月壬子朔觀漁撻馬灤癸丑應州奏獲宋諜者言宋除道五臺山將入靈巖界詔諜者及居停人並磔于市庚辰上與皇太后祭乾陵下詔諭三京左右相左右平章事副留守判官諸道節度使判官諸軍事判官錄事參軍等當執公方母得阿順諸縣令佐如遇州官及朝使非理徵求毋或畏徇恆加采聽以爲殿最民間有父母在別籍異居者聽鄰里覺察坐之有孝于父母三世同居者旌其門閭十二月壬午朔謁凝神殿遣使分祭諸陵賜守殿官屬酒是日幸顯州丁亥以顯州歲貢綾錦分賜左右甲午東幸己亥皇太后觀漁于玉盆灣辛丑觀漁于溶淵甲辰勅諸刑辟已結正決遣而有寃者聽詣臺訴是夕然萬魚燈于雙漢戊申十齡節祭日月禮畢百僚稱賀

二年春正月甲子如長灤二月癸巳國舅帳彰德軍節度使蕭闥覽來朝甲午賜將軍耶律敵不春衣束

帶丙申東路行軍宣徽使蕭蒲窳奏討女直捷遣使執手獎諭庚子朝皇太后太后因從觀獵于饒樂川
乙巳五國烏隈于厥節度使耶律隗洼以所轄諸部難治乞賜詔給劍便宜行事從之丙午上與諸王大
臣較射丁未韓德威以征党項廻遂襲河東獻所俘賜詔褒美三月乙卯劃離部請今後詳穩止從本部
選授爲宜上曰諸部官惟在得人豈得定以所部爲限不允贈故同平章事趙延煦兼侍中夏四月丁亥
宣徽使同平章事耶律普窳都監蕭勤德獻征女直捷授普窳兼政事命勤德神武衛大將軍各賜金器
諸物庚寅皇太后臨決滯獄辛卯祭風伯壬辰以宣徽南院使劉承規爲承德軍節度使崇德宮都部署
保義軍節度使張德筠爲宣徽北院使五月乙卯祠木葉山丁丑駐蹕沿柳湖六月己卯朔皇太后決獄
至月終秋七月癸丑皇太后行再生禮八月辛卯東京留守兼侍中耶律朮只奉女直木不直囊里等八
族乞舉衆內附詔納之九月戊申朔駐蹕土河辛未以景宗忌日詔諸道京鎮遣官行香飯僧冬十月丁
丑朔以歸化州刺史耶律普窳爲彰德軍節度使右武衛大將軍韓倬爲彰國軍節度使兼侍衛親軍兵
馬都指揮使冬十一月壬子以樞密直學士給事中鄭徽爲儒州刺史是月速撒等討阻卜殺其酋長撻
刺于十二月辛丑以翰林學士承旨馬得臣爲宣政殿學士耶律頗德南京統軍使耶律瑤昇大內惕隱

三年春正月丙午朔如長梁丁巳以翰林學士邢抱朴爲尙書禮部侍郎知制誥左拾遺知制誥劉景吏部郎中知制誥牛藏用並政事舍人二月丙子朔以牛藏用知樞密直學士三月乙巳朔樞密奏契丹諸役戶多困乏請以富戶代之上因閱諸節籍湜刺烏隈二部戶少而役重并量免之夏四月乙亥朔祠木葉山壬午以鳳州刺史趙匡符爲保靜軍節度使癸未以左監門衛大將軍王庭勗爲奉先軍節度使彰武軍節度使韓德凝爲崇義軍節度使五月壬子還上京癸酉以國舅蕭道寧同平章事知瀋州軍州事六月甲戌如柏坡皇太后親決滯獄乙亥以歸義軍節度使王希巖爲興國軍節度使秋七月甲辰朔詔諸道繕甲兵以備東征高麗甲寅東幸甲子遣郎君班囊賜秦王韓匡嗣葬物丙寅駐蹕土河以暴漲命造船橋明日乘步輦出聽政老人星見丁卯遣使闕東京諸軍兵器及東征道路以平章事蕭道寧爲昭德軍節度使武定軍節度使司空兼政事令郭襲爲天平軍節度使大同軍節度使守太子太師兼政事令劉延構爲義成軍節度使贈尙父秦王韓匡嗣尙書令八月癸酉朔以遼澤沮洳罷征高麗命樞密使耶律斜軫爲都統駙馬都尉蕭懇德爲監軍以兵討女直丁丑次橐城庚辰至顯州謁凝神殿辛巳幸乾州觀新宮癸未謁乾陵甲申令南北面臣僚分巡山陵林木及令乾顯二州上所部里社之數丙戌比皮室詳穩進勇敢士七人戊子故南院大王諧領己里婉妻蕭氏奏夫死不能葬詔有司助之庚寅東征

都統所奏路尙陷濼未可進討詔俟澤涸深入癸巳皇太后謁顯陵庚子謁乾陵辛丑西幸閏九月癸酉命耶抱朴勾檢顯陵丙子行次海上庚辰重九駱駝山登高賜羣臣菊花酒辛巳詔諭東征將帥乘水泅進討丙申女直宰相朮不里來貢戊戌駐蹕東古山己亥速撒奏朮不姑諸部至近浞夷裔董易魯姑請行俘掠上曰諸部於國無惡何故俘掠徒生事耳不允冬十一月甲戌詔吳王稍領秦王韓匡嗣葬祭事丁丑詔以東北路兵馬監軍妻婆底里存撫邊民戊寅賜公主胡骨典葬夫金帛工匠辛卯以韓德讓兼政事令癸巳禁行在市易布帛不中尺度者丙申東征女直都統蕭闡覽菩薩奴以行軍所經地里物產來上

遼史卷十考證

聖宗紀一十二月辛酉南京留守荆王道隱奏宋遣使獻犀帶請和詔以無書却之○臣宗實按宋史太

宗本紀太平興國七年十二閏月豐州與契丹戰破之獲其天德節度使蕭太合一國之史觀之遼不

書本國之敗續宋不書本國之求和

統和元年二月戊子朔○臣人龍按宋史太宗本紀太平興國八年二月戊子朔日有食之遼史失載

遼史卷十考證

元 中 書 右 丞 相 總 裁 脫 脫 等 修

本紀第十一

聖宗二

四年春正月甲戌觀漁土河林牙耶律謀魯姑彰德軍節度使蕭闡覽上東征俘獲賜詔獎諭丙子樞密使耶律斜軫林牙勤德等上討女直所獲生口十餘萬馬二十餘萬及諸物己卯朝皇太后決滯訟壬午樞密使斜軫林牙勤德謀魯姑節度使闡覽統軍使室羅侍中抹只奚王府監軍迪烈與安吉等克女直還軍遣近侍泥里吉詔旌其功仍執手撫諭賜酒果勞之甲午幸長瀨二月壬寅以四番都統軍李繼忠爲檢校司徒上柱國癸卯西夏李繼遷叛宋來降以爲定難軍節度使銀夏綏宥等州觀察處置等使特進檢校太師都督夏州諸軍事西番酋帥瓦泥乞移爲保大軍節度使鄜坊等州觀察處置等使甲寅耶律斜軫蕭闡覽謀魯姑等族帥來朝行飲至之禮賞賚有差丙寅行次烏里井三月甲戌于越休哥奏宋遣曹彬崔彥進米信由雄州道田重進飛狐道潘美楊繼業鴈門道來侵岐溝涿州固安新城皆陷詔宣徽使蒲領馳赴燕南與休哥議軍事分遣使者徵諸部兵益休哥以擊之復遣東京留守耶律抹只以大

軍繼進賜劍專殺乙亥以親征告陵廟山川丙子統軍使耶律頗德敗宋軍于固安休哥絕其糧餉擒將吏獲馬牛器仗甚衆庚辰賓州刺史趙彥章以城叛附于宋辛巳宋兵入涿州義順軍節度副使趙希贊以朔州叛附于宋時上與皇太后駐兵馳羅口詔趣東征兵馬以爲應接壬午詔林牙勤德以兵守平州之海岸以備宋仍報平州節度使迪里姑若勤德未至遣人趣行馬乏則括民馬鎧甲闕則取於顯州之甲坊癸未遼軍與宋田重進戰于飛狐不利冀州防禦使大鵬翼康州刺史馬贊馬軍指揮使何萬通陷焉丁亥以北院樞密使耶律斜軫爲山西兵馬都統以北院宣徽使蒲領爲南征都統以副于越休哥彰國軍節度使艾正觀察判官宋雄以應州叛附于宋庚寅遣飛龍使亞刺文班吏亞達哥闊馬以給先發諸軍詔駙馬都尉蕭繼達領之辛卯武定軍馬步軍都指揮使郢州防禦使呂行德副都指揮使張繼從馬軍都指揮使劉知進等以飛狐叛附于宋癸巳賜林牙謀魯姑旗鼓四劍一率禁軍之驍銳者南助休哥丙申步軍都指揮使穆超以靈巳叛附于宋詔遣使賜樞密使斜軫密旨及彰國軍節度使杓窰印以趣征討夏四月己亥朔次南京北郊庚子惕隱瑤昇西南面招討使韓德威以捷報辛丑宋潘美陷雲州壬寅遣抹只謀魯姑勤德等領偏師以助休哥仍賜旗鼓杓窰印撫諭將校癸卯休哥復以捷報上以酒脯祭天地率羣臣賀于皇太后詔勸德還軍丙午頗德上所獲鎧仗數戊申監軍宣徽使蒲領奏敵軍引

還而奚王壽靈北大王蒲奴靈統軍使頗德等以兵追躡皆勝之遣使吏勤德持詔褒美及詔侍中抹只
統諸軍赴行在所頻不部節度使和盧覩黃皮室詳穩解里等各上所獲兵甲又詔兩部突騎赴蔚州以
助閱覽橫帳郎君老君奴率諸郎君巡徼居庸之北將軍化哥統平州兵馬橫帳郎君奴哥爲黃皮室都
監郎君謁里爲北府都監各以步兵赴蔚州以助斜軫庚戌以斜軫爲諸路兵馬都統閱覽兵馬副部署
迪子都監以代善補韓德威癸丑以艾正趙希贊及應州朔州節度副使奚軍小校隘離轄渤海小校貫
海等叛入于朶籍其家屬分賜有功將校宋將曹彬米信北渡拒馬河與于越休哥對壘挑戰南北列營
長六七里時上次涿州東五十里甲寅詔于越休哥奚王壽靈宣徽使蒲領南北二王等嚴備水道無使
敵兵得潛至涿州乙卯休哥等敗宋軍獻所獲器甲貨財賜詔褒美蔚州左右都押衙李存璋許彥欽等
殺節度使蕭嘜里執監城使銅州節度使耿紹忠以城叛附于宋丙辰復涿州告天地戊午上次沙姑河
之北淀召林牙勤德議軍事諸將校各以所俘獲來上奚王壽靈南北二王率所部將校來朝以近侍粘
米里所進自落鴉祭天地己未休哥蒲領來朝詔三司給軍前夏衣布庚申上朝皇太后辛酉大軍次固
安壬戌圍固安城統軍使頗德先登城遂破大縱俘獲居民先被俘者命以官物贖之甲子賞攻城將士
有差五月庚午遼師與曹彬米信戰于岐溝關大敗之追至拒馬河溺死者不可勝紀餘衆奔高陽又爲

邊師衝擊死者數萬棄戈甲若三陵輓漕數萬人匿岐溝空城中圍之壬申以皇太后生辰縱還癸酉班師還次新城休哥蒲領奏宋兵奔逃者皆殺之甲戌以軍捷遣使分諭諸路京鎮丁丑詔諸將校論功行賞無有不實己卯次固安南以青牛白馬祭天地庚辰以所俘宋人射鬼箭詔遣詳穩排亞率弘義官兵及南北皮室耶君拽刺四軍赴應朔二州界與惕隱瑤昇招討韓德威等同禦宋兵在山西之未退者辛巳以瑤昇軍赴山西壬午還次南京癸未休哥籌盪蒲奴盪進俘獲斜軫遣判官蒲奴奏復蔚州斬首二萬餘級乘勝攻下靈丘飛狐賜蒲奴酒及銀器丙戌御元和殿大宴從軍將校封休哥爲宋國王加蒲領籌盪蒲奴盪及諸有功將校爵賞有差丁亥發南京詔休哥備器甲儲粟待秋大舉南征戊子斜軫奏宋軍復圍蔚州擊破之詔以兵授瑤昇韓德威等壬辰以宋兵至平州瑤昇韓德威不盡追殺降詔詰責仍諭據城未降者必盡掩殺無使遁逃癸巳以軍前降卒分賜扈從乙未賞頗德諸將校士卒六月戊戌朔詔韓德威赴闕加統軍使頗德檢校太師甲辰詔南京留守休哥遣礮手西助斜軫乙巳以夷窩畢煙里古部送輜重行宮暑行日五十里人馬疲乏遣使讓之丁未度居庸闕壬子南京留守奏百姓歲輸三司鹽鐵錢折絹不如直詔增之甲寅斜軫奏復賓州乙卯皇太后諸王公主迎上嶺表設御幄道傍置景宗御容率從臣進酒陳俘獲于前遂大宴戊午幸涼陁以所俘分賜皇族及乳母己未聞所遣宣諭回鶻數

列傳國度里亞里等爲朮不姑邀留詔速撒賜朮不姑貨幣諭以朝廷來遠之意使者由是乃得行癸亥以節度使韓毗哥翰林學士邢抱朴等充雲州宣諭招撫使丙寅以太尉王八所俘生口分賜趙妃及于越迪輦乙里婉秋七月丙子樞密使斜軫遣侍御涅里底幹勤哥奏復朔州擒宋將楊繼業及上所獲將校印綬誥勅賜涅里底等酒及銀器辛巳以捷告天地以宋歸命者二百四十人分賜從臣又以殺敵多詔上京開龍寺建佛事一月僧飯萬人辛卯斜軫奏大軍至蔚州營于州左得諜報敵兵且至乃設伏以待敵至縱兵逆擊追奔逐北至飛狐口遂乘勝鼓行而西入寶州殺守城吏卒千餘人宋將楊繼業初以驍勇自負號楊無敵北據雲朔數州至是引兵南出朔州三十里至狼牙村惡其名不進左右固請乃行遇斜軫伏四起中流矢墮馬被擒瘡發不食三日死遂函其首以獻詔詳穩轄麥室傳其首于越休哥以示諸軍仍以朔州之捷宣諭南京平州將吏自是宋守雲應諸州者聞繼業死皆棄城遁八月丁酉置先離闔覽官六員領于骨里女直迪烈于等諸部人之隸官籍者以北大王蒲奴靈爲山後五州都管乙巳韓德讓奏宋兵所掠州郡其逃民禾稼宜募人收穫以其半給收者從之乙卯斜軫還自軍獻俘己未用室昉韓德讓言復山西今年租賦詔第山西諸將校功過而賞罰之乙室帳宰相安靈以功過相當追告身一通誦居部節度使佛奴答五十惕隱瑤昇拽刺欒列朔州節度使慎思應州節度使骨只雲州節度

使化哥軍校李元迪蔚州節度使佛留都監崔其劉繼琛皆以聞敵逃遁奪官配烈仍配隸本質領國舅
軍王六管五十壬戌以斜軫所部將校前破女直後有宋捷第功加賞癸亥加斜軫守太保九月丙寅朔
皇太妃以上納后進衣物駝馬以助會親頒賜甲戌次黑河以重九登高于高水南阜祭天賜從臣命婦
菊花酒丁丑次河陽北戌寅內外命婦進會親禮物辛巳納皇后蕭氏丙戌次儒州以大軍將南征詔遣
皮室詳穩乞的郎君拽刺先赴本軍繕甲兵己丑召北大王蒲奴盃赴行在所甲午皇太后行再生禮冬
十月丙申朔党項阻卜遣使來貢丁酉皇太后復行再生禮爲帝祭神祈福己亥以乙室王帳郎君吳留
爲御史大夫政事令室昉奏山西四川自宋兵後人民轉徙盜賊充斥乞下有司禁止命新州節度使蒲
打里選人分道巡檢北大王帳郎君曷葛只里言本府王蒲奴盃十七罪詔橫帳太保覈國底鞫之蒲奴
盃伏其罪十一管二十釋之曷葛只里亦伏誣告六事命詳酌罪之知事勤德連坐杖一百免官甲辰出
居庸關乙巳詔諸京鎮相次軍行諸細務權停理問庚戌分遣拽刺沿邊偵候辛亥命皇族廬帳駐東京
延芳淀壬子詔以勅榜付于越休哥以南征諭拒馬河南六州乙卯幸南京戊午以南院大王留盃言復
南院部民今年租賦壬戌以銀鼠青鼠及諸物賜京官僧道耆老甲子上與大臣分朋擊鞠十二月丙寅
朔党項來貢庚午以政事令韓德讓守司徒壬申以古北松亭榆關征稅不法致阻商旅遣使鞫之女直

請以兵從征許之癸酉御正殿大勞南征將校丙子南伐次狹底塢皇太后親閱輜重兵甲丁丑以休哥
爲先鋒都統戊寅日南至上率從臣祭酒景宗御容辛巳詔以北大王蒲奴寧居奉聖州山西五州公事
並聽與節度使蒲打里共裁決之癸未祭日月爲駙馬都尉勤德祈福乙酉置諸部監勒所部各守營伍
毋相錯雜丙戌遣謀魯姑蕭繼遠沿邊巡徼以所獲宋卒射鬼箭丁亥以青牛白馬祭天地辛卯次白佛
塔川獲自落馴狐以爲吉徵祭天地詔駙馬都尉蕭繼遠林牙謀魯姑太尉林八等固守封疆毋漏間諜
軍中無故不得馳馬及縱諸軍殘南境桑果壬辰至唐興縣時宋軍屯滹沱橋北選將亂射之橋不能守
進焚其橋癸巳涉沙河休哥來議事北皮室詳穩排亞獻所獲宋謀二人上賜衣物令還招諭泰州楮特
部節度使盧補古都監耶律盼與宋戰于秦州不利甲午祭廡鹿神以盧補古臨陣遁逃奪告身一通其
判官都監各杖之耶君拽刺雙骨里邁宋先鋒於望都擒其士卒九人獲甲馬十一賜酒及銀器乙未以
盧補古等罪詔諭諸軍以御蓋耶君化哥權楮特部節度使橫帳耶君佛留爲都監代盧補古權領國舅
軍桃畏請置二校領散卒詔以耶君世音頗德等充命彰德軍節度使蕭闔覽將軍迪子略地東路詔休
哥排亞德議軍事十二月己亥休哥敗宋軍於望都遣人獻俘壬寅營于滹沱北詔休哥以騎兵絕宋兵
毋令入邢州命太師王六謹偵候癸卯小校曷主遇宋輜重引兵殺獲甚衆并焚其芻粟甲辰詔南大王

與休哥合勢進討宰相安靈領迪離部及三冠軍殿上率大軍與宋將劉廷讓李敬源戰于莫州敗之乙巳擒宋將賀令圖楊重進等國舅詳穩撻烈哥宮使蕭打里死之丙午詔休哥以下入內殿賜酒勞之丁未築京觀復入南京禁軍擊楊團城守將以城降詔禁侵掠己酉營神榆村詔上楊團城粟麥兵甲之數辛亥以黑白二牲祭天地癸丑拔馮母鎮大縱俘掠丙辰邢州降丁巳拔深州以不卽降誅守將以下縱兵大掠李繼遷引五百騎款塞願婚大國永作藩輔詔以王子帳節度使耶律襄之女訂封義成公主下嫁賜馬三千匹

遼史卷十一考證

聖宗紀二統和四年十二月癸丑拔馮母鎮大縱俘掠○臣長發按宋通鑑壬子契丹薄代州爲張齊賢

所敗殺其國舅詳穩撻烈哥宮使蕭打里遼史于癸丑記拔馮母鎮大縱俘掠而壬子之敗則諱之

濟史卷十一 考證

元中書右丞相總裁脫脫等修

本紀第十二

聖宗三

五年春正月乙丑破東城縣縱兵大掠丁卯次文安遣人諭降不聽遂擊破之盡殺其丁壯俘其老幼戊寅上還南京己卯御元和殿大賚將士壬辰如華林天柱二月甲午朔至自天柱三月癸亥朔幸長春宮賞花釣魚以牡丹徧賜近臣歡宴累日丁丑以諱居部下拽刺解里偵候有功命入御盞郎君班祇候夏四月癸巳朔幸南京丁酉上率百僚册上皇太后尊號曰睿德神略應運啟化承天皇太后禮畢羣臣上皇帝尊號曰至德廣孝昭聖天輔皇帝戊戌詔有司條上勳舊等第加恩癸丑清暑冰井六月壬辰召大臣決庶政丙申以耶律蘇爲遙郡刺史秋七月戊辰涅刺部節度使撒葛里有惠政民請留從之是月獵平地松林九月丙戌幸南京是冬止焉

六年春正月庚申如華林天柱二月丁未奚王籌寧殺無罪人李浩所司議貴請貸其罪令出錢贖浩家從之甲寅大同軍節度使同平章政事劉京致仕己未休哥奏宋事宜上親覽之丙寅以司天趙宗德齊

秦王守平邵祺閻梅從征四載言天象數有徵賜物有差三月癸未李繼遷遣使來貢夏四月乙未幸南京丁酉胡里室橫突韓德讓墮馬皇太后怒殺之戊戌幸宋國王休哥第五月癸亥南府宰相耶律沙薨閏月丙戌朔奉聖州言太祖所建金鈴閣壞乞加修繕詔以南征恐重勞百姓待軍還治之壬寅阿薩蘭回鶻來貢甲寅烏隈于厥部以歲貢貂鼠青鼠皮非土產皆於他處貿易以獻乞改貢詔自今止進牛馬六月癸亥党項太保阿刺恍來朝貢方物乙丑諭諸道兵馬備南攻城器具乙酉夷离堇阿魯勃迭沙州節度使曹恭順還授于越秋七月丙戌觀市己亥遣南面招討使韓德威討河湟諸蕃違命者賜休哥排亞部諸軍戰馬己酉駐蹕于洛河壬子加韓德威開府儀同三司兼政事令門下平章事東京留守兼侍中漆水郡王耶律抹只爲大同軍節度使癸丑排亞請增置涿州驛傳丙辰以青牛白馬祭天地八月戊午休哥與排亞烏里曷捉生將至易州遇宋兵殺其指揮使而還庚申幸黎園温湯癸亥以將伐宋遣使祭木葉山丁丑瀕海女直遣使速魯里來朝西北路管押詳穩速撒哥以伐折立助里二部上所俘獲東路林牙蕭勤德及統軍石老以擊敗女直兵獻俘大同軍節度使耶律抹只奏今歲霜旱乏食乞增價折粟以利貧民詔從之濱海女直遣厮魯里來修土貢丙申化哥與朮不姑春古里來貢休哥遣詳穩意德里獻所獲宋謀者丁酉皇太后幸韓德讓帳厚加賞賚命從臣分朋雙陸以盡歡九月戊戌幸南京己

亥有事于太宗皇帝廟以唐元德爲奉陵軍節度使癸卯祭旗鼓南伐虜戊次涿州射帛書諭城中降不聽乙卯縱兵四面攻之城破乃降因撫諭其衆駙馬蕭勤德太師闕覽皆中流矢勤德載帝車中以歸聞宋軍退遣斜軫排亞等追擊大敗之冬十月戊午攻沙堆驛破之己巳以黑白羊祭天地庚午以宋降軍分置七指揮號歸聖軍壬申行軍叅謀宣政殿學士馬得臣言諭降宋軍恐終不爲用請並放還詔不允丙子籌寧奏破狼山捷辛巳復奏敗宋兵于益津關癸未進軍長城口水定州守將李興以兵來拒休哥擊敗之追奔五六里十一月甲申上以將攻長城口詔諸軍備攻具庚寅駐長城口督大軍四面進攻士潰圍委城遁斜軫招之不降上與韓德譏邀擊之殺獲殆盡獲者分隸燕軍辛卯攻滿城圍之甲午拔其城軍士開北門遁上使諭其將領乃率衆降戊戌攻下祁州縱兵大掠己亥拔新樂庚子破小狼山砦丁未宋軍千人出益津關國舅郎君桃委詳穩十哥擊走之殺副將一人己酉休哥獻黃皮室詳穩狗地莫州所獲馬二十匹士卒二十人命賜降者衣帶使隸燕京辛亥西路又送降卒二百餘人給寒者裘衣以馬得臣權宣徽院事十二月甲寅朔賜皮室詳穩乞得禿骨里戰馬橫帳郎君達打里劫掠命杖之丙辰敗于沙河休哥獻奚祥穩耶魯所獲宋諜丁巳遣北宰相蕭繼遠等往覘安平侍衛馬軍司奏攻祁州新樂都頭劉贊等三十人有功乞加恩賞是月大軍駐宋境是歲詔開貢舉一人及第

七年春正月癸未朔班帥戊子宋雞壁守將郭榮率衆來降詔屯南京庚寅次長城口三卒出營劫掠
笞以狇衆以所獲物分賜左右壬辰李繼遷與兄繼捧有怨乞與通好上知其非誠不許癸巳諭諸軍趣
易州己亥禁部從伐民桑梓癸卯攻易州宋兵出遂城來援遣鐵林軍擊之擒其指揮使五人甲辰大軍
齊進破易州降刺史劉墀守陴士卒南遁上帥師邀之無敢出者卽以馬質爲刺史趙質爲兵馬都監遷
易州軍民于燕京以東京騎將夏貞顯之子仙壽先登授高州刺史乙巳幸易州御五花樓撫諭士庶丙
午以青牛白馬祭天地詔諭三京諸道戊申次漆水謁景宗皇帝廟詔遣涿州刺史耶律守雄護送易州
降人八百還隸本質己酉次岐溝射鬼箭辛亥還次南京六軍解嚴二月壬子朔上御元和殿受百官賀
詔雞壁砦民二百戶徙居檀順薊三州甲寅回鶻于闐師子等國來貢乙卯大饗軍士爵賞有差樞密使
韓德讓封楚國王駙馬都尉蕭靈遠同政事門下平章事是日幸長春宮甲子詔南征所俘有親屬分隸
諸帳者給官錢贖之使相從乙丑賞南征女直軍使東還丙寅禁舉人匿名飛書謗訕朝廷癸酉吐蕃党
項來貢甲戌雲州租賦請止輸本道從之丙子以女直活骨德爲本部相分遣巫覡祭名山大川丁丑皇
子佛寶奴生戊寅阿薩蘭于闐轉烈並遣使來貢三月壬午朔遣使祭木葉山禁芻牧傷禾稼宋進士十
七人挈家來歸命有司考其中第者補國學官餘授縣主簿尉李繼遷遣使來貢丁亥詔知易州趙質收

戰亡士卒骸骨築京觀戊子賜于越宋國王紅珠筋線命入內神帳行再生禮皇太后賜物甚厚以雞壁
碧民成廷朗等八戶隸飛狐己丑詔免雲州逋賦乙室王貫寧擊鞠爲所部郎君高四縱馬突死詔訊高
四罪丙申詔開奇峯路通易州市戊戌以王子帳耶律襄之女封義成公主下嫁李繼遷是春駐蹕延芳
淀夏四月甲寅遷京乙卯國舅太師蕭闔覽爲子排亞請上皇女延壽公主許之丙辰謁太宗皇帝廟以
御史大夫烏骨領乙室大王己未幸延壽寺飯僧甲子諫議大夫馬得臣以上好擊毬上疏切諫云臣伏
見陛下聽朝之暇以擊毬爲樂臣思此事有三不宜上下分明君臣爭勝君得臣奪君輸臣喜一不宜也
往來交錯前後遮約爭心競起禮容全廢若貪月杖誤拂天衣臣旣失儀君又難責二不宜也輕萬乘之
貴逐廣場之娛地雖平至爲堅礪馬雖良亦有驚蹴或因奔擊失其控御聖體寧無虧損太后豈不驚懼
三不宜也臣望陛下念繼承之重止危險之慮疏奏大嘉納之丁卯吐渾還金回鶻安進吐蕃獨朶等自
宋來歸皆賜衣帶皇太后謁奇首可汗廟丙子以舍利軍耶律杳爲常袞己卯駐蹕儒州龍泉庚辰遣宣
徽使蒲領等率兵分道備宋以遙輦副使控骨离爲舍利拽刺詳穩五月辛巳祭風伯于儒州白馬村休
哥引軍至滿城招降卒七百餘人遣使來獻詔隸東京辛卯獵桑乾河壬辰燕京奏宋兵至邊時暑未敢
與戰且駐易州俟彼動則進擊退則班師從之六月庚戌朔以太師柘母迎合撻之二十辛酉詔燕樂密

雲二縣荒地許民耕種免賦役十年甲戌宣政殿學士馬得臣卒詔贈太子少保賜錢十萬粟百石乙亥詔出諸畜賜邊部貧民是月休哥排亞破宋兵于秦州秋七月乙酉御含涼殿視朝丙戌以中丞耶律駁麥哥權夷离畢橫帳郎君耶律延壽爲御史大夫癸巳遣兵南征甲午以迪离畢涅刺烏滅三部各四人益東北路來人婆里德仍給印綬丁酉勞南征將士是日帝與皇太后謁景宗皇帝廟八月庚午放進士高正等二人及第冬十月禁置網捕兔十一月甲申于闐張文寶進內丹書十一月甲寅釣魚于沈子灤癸亥獵于好草嶺